

सानसेयारि 'बड'सा' ख्रौरांलाइयाव  
समाजयारि जिउजो लोखा थानाय रायथाय, खन्थाय,  
सल', सल'बाथा आरु देवबायारि थावनि, पार्क  
बाइदिनि सायाव लिन्नाय लिन्निदां देथाय हर्/  
सानसेयारि 'बड'सा' ख्रौरांलाइया खेबखानावे  
फोखावगोब।

बड'सायाव लिन्नाययि हुबा खालाम,  
'बड'सा' ख्रौरांलाइया, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Thursday ★ 17 December, 2020 Kokrajhar, BTC, Assam ★ Vol.- 30, Issue No. 261 ★ R.N.I.Regd.No.40994/91, AssamGovt.Regd.No.IPRD.40/2006/13, ★Rs.8/-

बोसोरारि खुगा  
लाइसि 'फरायसा'नि  
थाखाय लिन्निदां  
हंरत्रायदों  
कक्राझार, 16 डिसेम्बर:  
फैगो बोसोर 2021 ई  
माइथायनि जानुवारी दाननि  
8,9 आरु 10 अक्टुखालि  
सान्थामनि मे हे रगोनां  
हाबाफारिजों कामरुप जिल्ला  
एबसुनि खुगा 38 थि बोसोर  
(□ 5 बिलाइआव)

## बि टि सिआव गुबुन गुबुन हारिनिफ्राय थॉजोडै सा 6 सोद्रोमा थिसन्नायखौ राइज्यो बेंगिरिया गनायथि होबाय

कक्राझार, 16 डिसेम्बर:  
आसामनि राइज्यो बेंगिरि प्रफेसार  
जगदिश मुखिआ प्रमद बर'नि  
दैदेनायाव इउ पि पि एल, बि  
जे पि आरु जि एस पिनि जुथाय  
सरकार दानानै समायखिरा  
लानाय हाबाफारिनि सानसे  
उनावनो दिने बि टि सिआव

सा 6 सोद्रोमाफोरखौ थॉजोडै  
सरकारि सायख'जानाय एम सि  
एल ए हिसाबै थिसनबाय।  
बुधबारखालि बि टि सिनि  
मावफुंगिरि प्रमद बर'निफ्राय  
सायख'नानै हरनाय सरकारि  
सोद्रोमाफोरखौ राइज्यो बेंगिरिनि  
मावखुलियाव गनायथि

## बिसायख'थियाव देरहासार जानो हानाय बि पि एफनि बिजाथिफोरखौ बरायदों

हटेलनिफ्राय उदां जानायनि उनाव सा 7 सायख'जानाय  
एम सि एल एफोर बि पि एफआव फैगोन: प्रबिन बर'



कक्राझार, 16 डिसेम्बर: बि  
टि सिआव थानाय 15  
डिसेम्बरखालि इउ पि पि एल,  
बि जे पि आरु जि एस पिआ  
जुथायै सरकार दानानै गाहाय  
मावफुंगिरिखौ लाफानानै  
गासै सा 5 मावफुंगिरिखौ  
समायखिरा लाखांनानयनि  
उनावनो नाथाय बि पि  
एफ राजखान्थि दोलोआ  
बिसायख'थियाव गावसोर  
बांसिन मासियाव देरहानो हानाय  
हिसाबै गावसिन बि टि सिआव



सरकार दानायनि मिजिंखौ  
नागराखै। बेराफारसे दासान्दि  
बि पि एफ दोलोआ बि टि  
सिआव सरकार दागोन  
होन्नानै दाबि खालामबाय  
थानाय बुब्लियावबो जमदुवार  
बियाबनिफ्राय देरहासार जानो  
(□ 5 बिलाइआव)

## चिराडाव टि डि भेक्सिन होनायनि थाखाय साखा-फारा खालामनायनि सायाव मेल खुंदों

चिरां, 16 डिसेम्बर:  
हादतआव बायदि रोखोमनि  
बेराम सोमजिनाय आरु  
सागलोबनायखौ दबथायनायनि  
गुबै नोजोरजों चिरां जिल्ला हेल्थ  
ससाइटीआ जिल्लायव टि डि  
थामहिन्बा टेटानास आरु  
डिटेरिया भेक्सिन होनायनि रहा  
लानो थाखाय थांखि लादों।  
बेजोंनो लोखा लाखिनानै  
दिने चिरां जिल्लानि जिल्ला  
बेंगिरि गौतम तालुकदारनि  
मासि सामलायनानै दैदेनायाव  
टि डि भेक्सिन होनायनि बागै  
डिस्ट्रिक्ट टाक्स फर्सनि मोनसे



थाक-थियारि हाबाफारिनि  
सायाव मेल जथुमनाय जादों।  
बे मेलआव चिरां जिल्ला एस  
बि सुदाकर सिं, उफ्रा जिल्ला  
बेंगिरि कर्मदेव ब्रह्म, सिदली  
साकेल अफिसार जगदिस ब्रह्म,

## कक्राझार जिल्ला दुलाराय बर' हारिमु आफादआ बि टि आरनि गोदान सरकारखौ बरायदों

कक्राझार, 16 डिसेम्बर:  
कभिड-19 आ बुहुमनाडैनो  
गिखंथाव महैर सागलोबनायनि  
जाहोनाव गोबाव सम  
थावथानानै थानाय बि टि सि  
बिसायख'थिया थानाय 7  
आरु 10 डिसेम्बरखालि  
जोबनानै थांखानायनि उनाव

थानाय 12 डिसेम्बरखालि  
फोसावजानाय बि टि सि  
बिसायख'थि फिथाइनि उनाव  
इउ पि पि एल, बि पि एफ, बि  
जे पि, जि एस टि, कंग्रेस, ए  
आइ इउ डि एफजों लोगोसे  
रावबो दोलोयानो सरकार  
दानायव गोनां जानाय मोन  
21 मासि देरहानो हानाय  
(□ 5 बिलाइआव)

## गोदानै दाजानाय बि टि सि सरकारखौ बाकसा जिल्ला बि टि आर जानालिस्ट एससियेसनआ बरायदों

मुसलपुर, 16 डिसेम्बर: थानाय 8 दान नाडै दिन्दानानै थानाय  
बि टि सिनि बिसायख'थिया थानाय 7 आरु 10 डिसेम्बरखालि  
खुंफुंजानायनि उनाव 12 डिसेम्बरखालि बिसायख'थिनि फिथाइ  
फोसावनायनि सान्ने उनाव थामहिन्बा 15 डिसेम्बरखालि इउ  
पि पि एल, बि जे पि आरु जि एस पिआ लोगो नानानै बि टि  
सिआव जुथायै गोदान सरकार दानायखौ बाकसा जिल्ला बि टि  
आर जानालिस्ट एससियेसनआ गोसो गोजोनै बरायदों। लोगोसे  
एससियेसनआ 15 डिसेम्बरखालि बि टि सिनि गाहाय मावफुं  
सोद्रोमा महैर समायखिरा लानाय (□ 5 बिलाइआव)

## चिरां जिल्ला बर' थुनलाइ आफादआ बि टि सिनि गोदान सरकारखौ बरायदों

काजलगाव, 16  
डिसेम्बर: थानाय 15  
डिसेम्बर, 2020 अक्टुखालि  
गोदानै दाजानाय बि टि सि  
सरकारनि गोदानै बिबान  
मोनाय गाहाय मावफुंगिरि  
प्रमद बर', लेडाइ मावफुंगिरि  
गबिन्द बसुमतारि, गोसै  
मावफुं सोद्रोमा आरु गासै  
एम सि एल एफोरजों  
(□ 5 बिलाइआव)

## मिरुनि नख 'र मन्थि अमित शाहआ 26 डिसेम्बराव आसाम दावबायफैगोन



गुवाहाटी, 16 डिसेम्बर: मिरु  
सरकारनि नख 'र मन्थि अमित  
शाहआ फैगो 26 डिसेम्बरखालि  
आसाम दावबायफैगो हागो।  
बि जे पि दोलोन मोनसे  
फोथायथाव सुलुंनिफ्राय  
मिथिनो मोनाय बायदिब्ला  
नख 'र मन्थि शाहआ फैगो  
बोसोर 2021 आव खुंजानो  
गोनां राइज्यो बिधान सभा  
(□ 5 बिलाइआव)

## मन्थि प्रमिला रानि ब्रह्मआ बि टि सिआव जुथाय सरकार दानायखौ गोजोनाय मोनाखै

कक्राझार, 16 डिसेम्बर:  
आसामनि समाज अन्साय  
बिबाननि मन्थि आरु बि पि  
एफ दोलोन सासे गागि  
दैदेनगिरि प्रमिला रानि  
ब्रह्मआ बि टि सिआव इउ पि



पि एल, बि जे पि आरु जि  
एस पिनि जुथाय सरकार  
दानायव गोजोनाय गैयै  
फोरमायदों। मानोना बि पि एफ  
दोलोआ बांसानखो मासियाव  
देरहादोंमोनब्लाबो सरकार दानो  
थाखाय खाबु होयैनि थाखाय  
मन्थि ब्रह्मआ गावसिन  
दोलोआ दुखुयाव दड  
होन्नानै फोरमायथिदों। दिने  
कक्राझार सहरनि साहा फारसे  
(□ 5 बिलाइआव)

## देरहानाय बिजाथिफोरखौ हटेलवाव दोन्नाया दुखुनांथाव जादों: महेश्वर बसुमतारि

कक्राझार, 16 डिसेम्बर:  
बिसायख'थियाव देरहासार  
जानो हानाय बिजाथिफोरखौ  
गुवाहाटीनि लिली हटेलवाव  
जोबनानै दोन्नाया जोबोद दुखु  
नांथाव जादों। बिसायख'थियाव  
देरहासार जानानैबो दिनेसिम  
गावनि हेफाजाबगिरि आरु भटार  
राइजो-राजाफोरनो मोखां  
दिन्थिनो मोनाखै। हेफाजाबगिरि  
आरु भटार राइजो-राजाफोरा  
बिबार माला गानहोनो  
नेगासिनो। बे बाथ्राखौ बुंदों बि

टि सिनि बारग' मावफुं सोद्रोमा  
महेश्वर बसुमतारिआ। दिने  
कक्राझारनि सामगावयाव  
थानाय बाथो कमप्लेक्सनि  
आरनाइ रेस्टुरेन्सआव गोदानै  
देरहासार जानो हानाय  
बि पि एफनि बिजाथिफोरखौ  
बरायनाय हाबाफारियाव बाहागो  
लाफेनाय बुब्लियावनो महेश्वर  
बसुमतारिआ मोनसे खौरंगिरि  
मेल खुंनानयनि गेजेरजों बुंदोंदि,  
बि टि सिआव जाफैर आरु नुफैर  
राजखान्थि थासारिया जाहानो



हमगासिनो। बेयाव सुबुं खांथि  
आरु संबिजितनि नेमखांथि  
(□ 5 बिलाइआव)

## हादतआव लान्थियै 17 थि सानसिमाव 40 रोजानि बाडाइसिन करना सन्देसदों



गोदान दिल्ली, 16 डिसेम्बर:  
मुलुगनि गुबुन गुबुन  
हादतफोरजों लोगोसे भारत  
हादतआवबो करना भाइरास  
सन्देसनायनि बिसाना गोखैयै  
खमायबोगासिनो थादों।  
बिदिन्थि महैर मंगलबारखालि  
हादतआव 26 रोजा 251  
सुबुंफोरनि देहायाव गोदानै  
करना पजिटिभ मोनो हादों।  
बेराफारसे मंगलबारखालि  
(□ 5 बिलाइआव)

## बोसोरसेयाव 4 थि खेब जे इ इ आन्जाद होनो मोनसिगोन

गोदान दिल्ली, 16 डिसेम्बर:  
हादतनाडै गुबुन गुबुन  
इ इ ज नि यारि  
फरायसालिमाफोरव मुं थिसनो  
थाखाय खुंजानाय जे इ इ मेइन  
आन्जादखौ बे खेबनिफ्राय  
बोसोरसेयाव 4 थि खेब होनो  
हासिगोन। बे जे इ इ आन्जादखौ  
फैगो बोसोर 2021 नि फेब्रुवारी  
दाननिफ्राय मे दानसिम खुंनय  
जागोन। बे दान मोनब्रैनि गेजेरव  
हादतनाडै गुबुन गुबुन आन्जाद  
मिरुफोरव जे इ इ इनि मेइन  
आन्जादखौ खुंनय जागोन। सुबुं  
फुंखा जौगाखां मन्थि आफाद  
थामहिन्बा एम एइअर डिआ



नेसनले टेस्टिं एजेन्सिखौ  
बिथोनहोदोंदि, फेब्रुवारी, मार्च,  
एप्रिल आरु मे दाननि गेजेरवनो  
बैथि खेब आन्जाद खुंनय  
जागोन। फरायसाफोरखौ रेहाय  
होनो थाखाय थांखिबो लानाय  
थामहिन्बा एम एइअर डिआ

गावसिन गोसो बायदिथै बे दान  
मोनब्रैनि गेजेरव खुंजानो गोनां  
आन्जादनि जायखि जाया मोनसे  
आन्जादखौ सायख'नानै गोसो  
बायदिथै जिरायनो हायो। जुदि  
सोरबा फरायसाया मोनब्रैबो  
(□ 5 बिलाइआव)

## बि पि एफ दोलोनफ्राय गोदानै सायख 'जानाय एम सि एल ए रेवरेवा नार्जिहारिआ बि जे पिआव

गुवाहाटी, 16 डिसेम्बर:  
मोनसेनि उनाव गुबुन मोनसे  
जाथाय सोमजिनो लादों बि  
पि एफ दोलोनि इसिडाव  
सरकार दानायनि थाखाय  
नाजाबाय थानाय बि पि एफ  
दोलोनफ्राय बे खेबाव सासे  
एम सि एल एआ बि जे  
पिआव हाबहैनानै गेरुवा सि  
गानहैयो। सुलुंनि बायदिब्ला  
कक्राझार जिल्लानि जमदुवार  
बियाबनिफ्राय बि पि एफ  
दोलोनि बिजाथि महैर

देरहाबोनाय रेवरेवा नार्जिहारिआ  
दिने बुधबारखालि बि जे पिआव  
हाबहैयो।  
श्रीमन्त शंकरदेब  
कलाक्षेत्रआव खुंनय राइज्योयारि  
बि जे पिनि मोनसे मेलआव  
राइज्योयारि बि जे पिनि गोदान  
सामलायगिरि बिबान मोनाय  
बैजयन्त पान्डानि नुजाथिनायाव  
बि पि एफ नागरनाय एम सि  
एल ए रेवरेवा नार्जिहारिआ  
गेवलाडे हाबो। बेराफारसे सासे  
सोद्रोमा खोमानानै बि पि एफ



दोलोनि अन्जिमाया सा 16  
जाफैयो आरु गुबुन फारसे बि  
जे पिनि अन्जिमाया 9 निफ्राय

10 सिम बाडो। परिषदनि  
सोद्रोमाफोरखौ नोजोर  
(□ 5 बिलाइआव)



# सुजुगिरिनि खोलोम

## आबहावा गोगो लाखिनायनि राहायानो सोमख्रै मिथिंगा दानाय

मोनसे समाव बुहुमनि दाब दाब ओन्सोलजों लोगोसे जों लोगोसे जौनि ओन्सोलावबो मिथिंगा बिखाखौ गोबांधारे खहा खालामनाय नुनो मोनोमोन। नाथाय बेफोर हुदाया आथिखालनि समाव गोमालांनो हमफिनबाय। सुबुंफोरा आबहावाखौ समानथियै हमथानानै लाखिनो थाखाय मिथिंगा बिखाखौ बिफां-लाइफांजों ग्रीम ग्रीम खालामनानै लाखिनायनिबो राहाफारि लानायखौ नुनो मोनफिनबाय। सुबुंफोरा हमदानो हाबाय- मिथिंगा बिखाखौ सोमख्रै खालामनानै आरो आबहावाखौ समानै लाखिनायनि थाखाय मिथिंगा बिखाया जैरेबादियै जानांगौ बिब्दि लाखिनो थाखायनो आथिखाल बाइदिसिना हाराफारि आजावनायाव नांथाबनायनि गोनांथि दड।

जिबि-जुनातनि बाथ्राल' नड, सुबुं जिउनि फासैबो मिथिंगा बिखाया गिथाव महर लानो हमदों होन्नानै मिबथिनो मोनो। मोनफ्रोम जिब-जुनात, दावसिन-दावला, एम्फौ-एनला गासैनिको थाखाय गोगो मिथिंगानि गोनांथार। मिथिंगा बिखाया गोगो आरो थाजिम जानानै थायाबोला जिब-जुनात, एम्फौ-एनलाफोरा जैरे थानानै थानो गोब्राब, बिब्दिनो मानसि हारिनि थाखायबो खहा गोनां जानो हागौ। मिथिंगानि सोर्जिनायनि बिफा-लाइफां, हाजो-हाला, दैमा-दैसा-देमु, हाग्रा-बंग्रा बाइदिसिना थायाबला आबहावाया दसेनि थाखायबलाबो थानानै थानो हाथावना जानाय नड।

मानसि हारिनो बिफां-लाइफांफोरा जेरे बाइदि ब्रान्जायनाय होयो बेखौ सान्नाते नायोबला हाग्रा-बंग्रानि सायाव अन्नाया बांसिनगोमोन। मिथिंगा बिखायाव बिफां-लाइफांनि अनगायैबो गोबां रोखोमनि जिब-जुनात, दावसिन-दावला, एम्फौ-एनलाजों बुंफनानै थायो। बेफोर गासैखौबो लानानैसो मानसि हारिनि थानानै थानाय आरो जिउ खानाया जाथावना।

मिथिंगा बिखाखौ सोमख्रै आरो गोगोये लाखिनांगोब्ला आरो अराय सम आबहावाखौ दिदोमथियै लाखिनांगोब्ला बिफां-लाइफांजों मिथिंगा बिखाखौ ग्रीम ग्रीम लाखिनायनि गोनांथि होबोदों आबहावा रोग'सादफोरा। बेखायनो बिफा-लाइफां गायनो आरो मानसिनि आखाइजों जाहारबारि बानायनानैबो आबहावाखौ दिदोमथियै लाखिनो नाजानाय नुनो मोनो। लान्दां जालांनो हमनाय फैलाव फोथार, दैमा-दैसा सेरनि गुवार हा-बालाबारिफोरावबो मिथिंगा अनफावरि सुबुंफोरा बिफां-लाइफां गायनानै जाहार बारि बानायनायाव नांथाबनायबो नुनो मोनो। बिब्दि राहानि गेजेरजों दैमा-दैसानि हा खुंखानाय, लोमसावनाय आरो गुबुनजों बोहैनो लामा लानाय दैमा-दैसाफोरनि बोहैनयखौ थियै हमथानानै लाखिनो हानायनिबो राहा मोनो हागौ। लोगोसे मिथिंगा बिखाखौ सोमख्रै खालामनानै लाखिनाय आरो बेनिफ्राय सुबुंजों लोगोसे जिब-जुनातफोराबो गोगो बार मोनफुनायनि राहा मोनगोन।

## दिनेनि फानजामुधि

**राशि बाइदियै मुंनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड ङ)  
 कर्कट : ड ह सिंह : म ट कन्या : प ट (ण ष)  
 तुला : त र वृश्चिक : ब न धनु : ध भ (ड फ)  
 मकर : ख ज कुम्भ : ग श (स) मीन : द च (ख ज झ)

- मेष**- जैरेबो देरहासार जानो हागोन। फारफ्रोमथिबो दावगालांनो हागोन। मोजां सान।
- बृष**- मोजां मोनलायनायाव सोमोन्दो नागारलायनाय जानो हागौ। गोसो हमथानानै था।
- मिथुन**- माबा मोनसे मुवा मोनो हागोन। गोसोआव रंजानाय फेगोन। मोजां सान।
- कर्कट**- बहाबा दावबाय हैनो मोनगोन। गोसोआव गोजोनाय मोनगोन। मोजां सान।
- सिंह**- सोरजोंबा दावराव-दावसि जाफलां बायनो हागौ। गोसो हमथानानै थानांगोन।
- कन्या**- माखौबा लानानै नांलायनाय जानो हागौ। गोसो हमथानांगोन। गाजि सान।
- तुला**- सान्नायखौ जाफु होनो हागोन। खुसियै थानो हागोन। मोजां सान।
- वृश्चिक**- जैनानिफ्राय रैखा मोनो हागोन। गोसोखौ सान्थि मोनो हागोन।
- धनु**- बादायलायनायाव जेन्तो हागौ। सांग्रां जानानै बादायनांगोन।
- मकर**- नख'राव जेंनाया जोबनाय नड। बिमानि सुखुआ हानि जागोन। गोसो हमथा।
- कुम्भ**- माबा मोनसे मोजां फिथाय मोनो हागोन। नोंथानि थाखाय मोजां सान।
- मीन**- जेंना-जेंसिनि थाखाय रांखान्थिआ जोबसांगोन गोसो हमथानानै थानाया गाहाम।

# सिमांनि रजे:मोनसे नोजोर

**राजेश बर'**  
**गामि:** सानजा हाजिरा, बाक्सा

सिनायथि: सिमांनि रजे'आ कृष्ण नाज्रारि बिथानि आखाइजों सोररजिजानाय गांसे खन्थाइ बिदां। बेयाव गासै दों ..141 खन्थाइफोरा जायगा मोन्दों। कृष्ण नाज्रारि बिथाडा बर' थुनलाइ फोथारनि सासे गागि लिरगिरि। बिथाडा दासिम गां 11 बिजाबफोर फोसावना दिहु नबाय। बेफोर जादों फारियै.....

1. जायखलं (खन्थाइ बिदां)
2. सोदोमसिनि आगान (रायथाइ बिदां)
3. सागर (असमीया खन्थाइ बिदां)
4. पीति बोसोन (सुबुं खान्थि बिजाब)
5. गोमालानाय जायखलंनि गाब (खन्थाइ बिदां)
6. गोसोखांथिनि मेगन मोदें (सुंद' सल')
7. गोरोन्थिया सोरनि (सुंद' सल')
8. सान हाबनाय समाव (खन्थाइ बिदां)
9. सल'बाथानि सेर-सेर (सल' बाथा)
10. सिरि मोननाय जिउनि लामा (रायथाइ बिदां)
11. सिमांनि रजे (खन्थाइ बिदां)

बेनि अनगायैबो दाब-दाब जायगायाव दिहुनजानाय बाइदिसिना बिसम्बिफोराव बिथानि लिरबिदांफोरा गोसारलानानै दं। फेदो बिदिब्ला, बिथानि सिमांनि रजे' खन्थाइ बिदांआव मा बादि रोखोमनि सानसि आरो मोन्दांथिफोरा हाबसोनानै दं नायहैदिनि।

जौनि खायसे सुबुंफोरा इसोरखौ बोथाइया। बिखौ सिबिनायनि गोजानावसो थायो। इसोरनि अननायावसो जों सुबुं हारिजों लोगोसे संसारनि जिब-जुनार गासैबो जोनोम मोननानै रंजा-खुसियै गेलेनो मोन्दों। जाय इसोरखौ सिबिनानै जों दुखु-दाहानिफ्राय बारग'दों,सुखु-गोजोन मोन्दों, संसारनि जेथो गोनां गुवार लैथोनिफ्राय बारगदों, बि इसोरखौनो खायसे सुबुं हारिया सिबिनायनि गोजानाव दोन्दों। बे बाथ्राफोरा बेरखांदों गाहायाव होनाय 'जायनि अननायाव' मुंनि खन्थाइयाव। 'जायनि अननायाव गासिबो जिब-जुनार जोनोम मोन्दों संसारनि गेजेरजों रंजा-खुसि थाबायदों

जायनि अननायाव नों जिउखौ मोन्दों दुखु-दाहानिफ्राय बारग'नो हादों बेखौनो नों गोजानाव दोन्दों। जायखौ सिबियोब्ला सुखु, गोजोन मोनगोन जायनि थिन्नायखौ मानियाब्ला दुखु-दाहा सहायनांगोन बेखौसो नों गोजानाव दोन्दों। जायनि मुंखौ गियानिफोरा जेब्लाबो लाबाइ थायो जाय धोनि, गोरिब बयखौबो समान मेगनजों नायो जायखौ सिबियोब्ला संसार लैथोनिफ्राइ बारग'नो हायो बेखौसो नों गोजानाव दोनदों। थाना थानाय समाव जों हां लादों, थाबायथिदों, खामानि मावदों, जादों-लौदों, उन्दुदों, सुखु-दुखुनि बाथ्राखौ सानखानो हादों। साननि हाबनाय आरो ओंखारनायखौबो मेगनजों नुदों। नाथाय थैना नै थानायनि उनाव मा जागोन, बबेयाव थांगोन बेखौ मिथिस्ताबाखौ। जिउआथ' जौनि दान्दिसेनिल'। थैनायनि उनाव अराव खामनानै जोबसांलांगोन। बिदिब्ला थैना नैबो थैयै माबादि जानो हागोन बेखौ साननो रॉनांगोन। धोन, सम्पति, न'-बां बेफोरजोंथ' जिउनि आगान गालांनो हाया। बेफोर दान्दिसेयावनो जोबसांलांगोन मिथिस्ताबाजासे। बेखायनो खन्थाइगिरिया बबेयाव मुंनि खन्थाइयाव एरै बुंदों- 'जिउवा दान्दिसे ल' थैनायनि उनाव बबेयाव थांगोन बे सॉनायनि फिनखौ बिजिरनो रॉनांगोन। थैनायनि उनाव अरा खामो नोंखौ नेगासिनो दड खामनानै फोजोबसांनो। खामनानै जोबलांनो ना..... थैना नैबो थैयै जानो.. ? धोन सम्पति, न'-बां बेफोर जेबो नडा दान्दिसेयावनो जोबसांलांगोन मिथिस्ताबनाय नडा।' 'मा गैया संसाराव' बे खन्थाइखौ फरायना बुजि मोनगोन

## बिजय दिवस 2020 :वार मेमरियेलयाव सौहैनानै गाहाय मन्थि मदिआ स्वर्णिम बिजय मशालयाव अर फोनांदों

गोदान दिल्ली, 16 डिसेम्बर: 1971 नि दावहायाव पाकिस्ताननि सायाव भारतनि देरहासारनायनि 50 थि बोसोरारि साननि खुंनया हाबा फारिनि जागायजेन्नायाव गाहाय मन्थि नरेन्द्र मदिआ दिने नेशनेल वार मेमरियेलयाव सौहै बाय। बियो बेवहाय सौहै नानै नेशनेल वार मेमरियेलयाव मुंखलं जानाय जवानफोरनो बिबार बावदों। बे समाव गाहाय मन्थि नरेन्द्र मदिआ 1971 नि भारत - पाकिस्तान दावहानि 50 थि बोसोरारि सानयाव माहारियायि दावहा गोसोखां खाम्फा स्वर्णिम बिजय मशालयाव' अर सावयो। बे खाबुआव



मोनब्रै बिजय मशालयाव अर सावनाय जायो। रैखाथि मन्थि राजनाथ सिं, सिडिएस बिपिन रावतजों लोगोसे सा 3 सान्थि गाहायफोराबो बे हाबाफारियाव

बाहागो लागोन। नेशनेल वार मेमरियेलनि गोमोरनो रोडै अरजों सावजानाय मोनब्रै बिजय मशाल' 1971 दावहानि परमबीर चक्र आरो

महाबिर चक्र बान्था देरहागिरिफोरनि गामिफोरजों लोगोसे हादतनि गुबुन गुबुन बाहागोफोराव लानानै थानाय जागोन।

## जापाननि बिगियानगिरिफोरा रयुगु एस्ट्रयडनिफ्राय लाबोनाय बेसेन गोसा नमुनाखौ संदान्णो हादों

टकिय, 16 डिसेम्बर: जापाननि बिगियानगिरिफोरा रयुगु एस्ट्रयडनिफ्राय लाबोनाय बेसेन गोसा नमुनाखौ मोनो हादों। बिगियानगिरिफोरा आसा खालामदोंदि, बे नमुनाजों ब्रह्मान्डनि जेंना गोनां रहस्यखौ सुसांनो हागोन। बेजों लोगोसेनो बुहुमनि सोमजिखानायनि सोमोन्दैबो खौरांखौ मोनो हागोन। मख'नो गोनांदि, 6 बोसोर

सिगां डिसेम्बर 2014 याव जापानआ एस्ट्रयड रयुगुनिफ्राय नमुनाखौ लाबोनाय थाखाय अखांमा यान हायाबुसा-2 खौ लन्स खालामदोंमोन। लन्स खालामनायनि 3 बोसोर उनाव 30 कौटि कि: मि: नि जान्थायखौ रोखा खालाम खानायनि उनाव सेप्टेम्बर 2018 आव बेयो फिसा ग्रह रयुगुयाव बाग्लयदोंमोन। बे फिसा ग्रहखौ 162173

JU3 मुडैबो मिथिनो मोन्नाय जायो। जापानआ बे अभियाननि मुंखौ फाल्कन पक्षी दोन्दोंमोन, जायखौ जापाननि रावयाव हायबुसा बुंनय जायो। बे एस्ट्रयडखौ गिबि खेब 1999 याव सं दान्णो हादोंमोन। बेयो 1 कि: मि: गुवार। सेप्टेम्बर 2015 आव माइनार प्लानेट सेन्टारआ बेनि मुंखौ रयुगु दोन्दोंमोन। बेनि ओंथिया

जादों ड्रेगन पेल्लेस। बे एस्ट्रयडआ 16 दानाव सानखौ खनसे गिदिं खनो। बे यानआ रयुगुनिफ्राय नमुनाखौ बुधुमनानै बुहुम फासै गिदिंबोफिनबाय। माखासे सम सिगां बे याननिफ्राय ओंखारनाय केप्सुलआ अस्ट्रेलियानि बालाबारियाव गोल्लै हैदों। बेवहाय रयुगुनिफ्राय लाबोनाय बेसेन गोसा नमुनाया दंमोन।

जे, संसाराव नांनय मानि गासैबो दं। जों नागिरनानै, बुधुमनानै लानोसो रोड। संसाराथ' सुखु-दुखुनि जायगा। बेयाव नोंनो सुखु नांगोब्ला सुखुखौ बासिनानै ला, सुखु मोन्नायनि खामानियाव आगान हो। संसाराव सुबुंजों दोहोराम दं। दोहोरामाव थाना, इसोरनि मुं लाना आर'ज खालाम, अब्ला दुखुआ जायखारलांगोन। बेखौनो खन्थाइगिरिया नैबे गाहायाव होनाय खन्थाइ सिरिफोरनि गेजेरजों फोरमायदों-- 'मा गैया संसाराव संसारा दोहोरामनि जायगा दोहोरामाव था जानखारलांगोन दुखुवा इसोरनि नाम ला संसाराव गब'नानै मानो खारनो नागिरो जानखारनानै। गोदान सान ओंखारथों खन्थाइया दोंसे बिदै बहा खन्थाइ। खन्थाइगिरि बिथां कृष्ण नाज्रारिया खन्थाइयाव फोरमायदों जे, जौनिसिम गोदान सोरांआ फैथों आरो सुबुंनि साननायफोरा बिबारफोरबादि मोनफा-मोनफा बारफुंथों। गोदान नोजोरथि, गोदान साननाय-हनाय आरो गोदान दावगानायजों साफ्रोमबो सुबुडा गवखौ सिनायथि होथों। गाजि साननाय-हनाय बिफांनि रोदाखौ बुखुनानै गारहरगोन, जाय न्याय साननो हाया। बेखौनो नैबे खन्थाइ सिरिजों फोरमायदों-- गोदान सान ओंखारथों गोदान सोरां फैथों सुबुंनि साननायफोरा मोनफा-मोनफा बिबार जानानै बारथों। गोदान नोजोर, गोदान साननाया, गोदान दावगानायजों साफ्रोमबो सुबुडा सिनायथि होदों। बिफां रोदा बुखुनानै गारहरगोन दरनिति गाजि साननाय न्याय साननो हायैखौ। बयखौबो दावगालांनयनि थाखाय सोरांनि लामाखौ आखाइयाव लानानै खौसैयै ओंखारबोनो थाखाय खन्थाइयाव एरै बुंवावदों- खौसैयै ओंखारबो दावगालांनयनि सोरां आखाइयाव लानानै।

## दर 633 जिल्लाफोराव टिका थुनायखौ जागायबाय

गोदान दिल्ली, 16 डिसेम्बर: मिरुनि गाहाम देहा मावख'आ बुंदोंदि, हादतनि गासिबो 633 जिल्लाफोराव करनानि टिका थुनायनि थियारिखौ खालामखांबाय। टिकाखौ थुनो थाखाय बानायनाय टास्क फर्सफोरा बैफोर जिल्लाफोराव जथुमा खुंखांबाय। टिका थुनायनि हाबाफारियाव मिरु आरो राइज्योनि 23 मावख' आरो बिफानफोरनो बिबानखौ

जादों। बेवहाय टिका थुनाफोरखौ आरो आसानि हाबाफारि मावग्राफोरखौ ट्रेनि होगासिनो दं। बियो बुंदोंदि, मोनफ्रोमबो टिका थुना ओन्सोलफोरखौ देहा फाहामसालिफोरजों सोमोन्दो खालामदों जाहाथे टिका होनायनि उनाव जेंना गोनां जाथाया जायोब्ला इमारजेन्सिनि हेफाजाब मोनो हायो। गाहाम देहानि सेक्रेटारिआ बुंवावदोंदि, टिका



गथायदों। मिरुनि गाहाम देहा सेक्रेटारि राजेश भुषणआ मंगलबाराव प्रेस कन्फेसआव बे खौरांखौ होदों। बियो बुंदोंदि, टिका थुनो थाखाय मडुलखौ थियारि खालामदों आरो ट्रेनि होनायनि हाबाफारिखौ खालामनाय

होनायनि उनाव माखासे सुबंफोरनाव मोनथाम रोखोमनि जेंना गोनां जाथाया जानो हागौ जेराव गाजि फिन जाथाय जानायनि केसआव देहा फाहामसालियाव लांनानायनि गोनांथि जानो हागौ।



## हादतनि माखासे राइज्योफोराव गुसुसुहाबनाया बारायसिन्दो

गोदान दिल्ली, 16 नभेम्बर:

हादरनाडे बारायनाय गुसुआ सुबुंफोरनि गुसुखौ बारायहोदों। सा भारतआव फैगौ माखासे सानसिम जोबोद गुसु जानाया सोलिबाय थगोन। बेनि गेजेरजों बोथोर बिफानआ हमदांदोंदि, फैगौ साननैसिमाव पान्जाब, हरियाणा, चन्डिगड, दिल्लीजों लोकोसे राजस्तान आरो उत्तर प्रदेशआव सुबुंफोरा जोबोद गुसुजों भुगिनांनो हागौ। बेजों लोकोसे फैगौ साननै गेजेराव खोलानि माखासे ओन्सोलफोराव अखानि सन्देह दड। रिपर्टनि बादिल्ला, फैगौ 17-18 डिसेम्बरनि गेजेराव तामिलनाडु, पन्डेचेरिआव रोजा अखा हानो हागौ। बेराफासं के रेलायाव 17-18 डिसेम्बरआव अखा हागोनखौ हमदानाय जादों। अदेबानि




बराफजों बुंफबनानै थानाय हिमालयनिफ्राय फैनाय गुसु बारआ थानाय मंगलबारखालि राजथावनि दिल्लीनि बिदुंखौ 4.1 डिग्रीसिम गाहायाव दावखलायदों, जाय सहरआव दासिमनि बयनिखुइ गाहायसिन बिदुं। बोथोर बिफानआ फैगौ सानफोराव फुनि बिदुंडाव

आरोबाव दावखलायबावगोन होनानै फोरमायदों। बेराफासं राजस्तान, उत्तर प्रदेश, उत्तराखण्ड, मध्य प्रदेश, बिहार, सोनाब बंग, आसाम, मेघालय, त्रिपुरा, छत्तिसगड, महाराष्ट्र, कर्नाटक आरो हिमाचल प्रदेशआव गोबां गुसुआ सागलोबदों। बेराफासं

उत्तर प्रदेशनि माखासे जायगाफोराव एसे अखा हादों। महाराष्ट्रआवबो हाजो राइज्योफोर बायदि गुसुखौ मोन्दादों। थानाय सानआव काश्मीर हायेननि बांसिन जायगाफोराव हरनि बिदुं 0 निफ्रायबो गाहायसिनआव दावखलायदों।

गोदान दिल्ली, 16 डिसेम्बर:

हादतनि दर 22 राइज्योफोर आरो मिरुजों खुंजानाय राइज्योफोराव खालामनाय एनएफएइएससनि बायदिब्ला, दरबा राइज्योफोरनि 30 जौखोन्दोनिखुइ बांसिन आइजोफोरा गवनि फिसायनि देहायारि हिंसायारि जाथायनि मैहुर जानांदों। एनएफएइएससनि बायदिब्ला, आइजोफोरनि हेंथायै नख'रारि हिंसायारि जाथाया बयनिखुइ गात्रिसिन थसारिया कर्नाटक, आसाम, मिजराम, तेलेंगाना आरो बिहाराव जायो। समाजारि मावसुमाफोर आरो सरकारि नडे आफादफोर (एनजिए) आ कभि ड -19 महामारिखौ नोजोर होनानै बेबायदि जाथायफोराव



बानायखौ सन्देह'खालामदों। बे नायबिजिरनायाव हादतनाडेनो 6.1 लाख नख'रफोरखौ सोफानाय जादों। बेयाव मोगा-मोगि जानायनि गेजेरजों थागिबिफोर, देहा, नख'र आरो देरहोनाय लावहोनायनि सोमोन्दै सुबुंथिफोरनि सोमोन्दै खौरां

बुधुमो। सार्भनि बायदिब्ला, कर्नाटकआव 18 निफ्राय 49 बोसोरनि गासै 44.4 जौखोन्दो आइजोफोरा गवनि फिसायनि नख'रारि हिंसायारि जाथायजों मोगा-मोगि जानांदों। थानाय 2015-2016 नि नायबिजिरनाय समाव राइज्योयाव बेबायदि आइजोफोरनि अन्जिमाआ गासै

20.6 जौखोन्दोमोन।

एनएफएइएससनि नायबिजिरनाय अन्जिमानि बायदिब्ला, बिहाराव गासै 40 जौखोन्दो आइजोफोरा गवनि फिसायनि देहायारि जिनाहारि जाथायजों भुगिनांदों। बेराफारसे मणिपुराव 39 जौखोन्दो, तेलेंगायाव 36.9 जौखोन्दो, आसामाव 32 जौखोन्दो आरो अन्ध्र प्रदेशयाव 30 जौखोन्दो आइजोफोरा नख'रारि हिंसायारि जाथायनि मैहुर जानांदों। बे नायबिजिरनायाव दर 7 था राइज्योफोर आरो मिरुजों खुंजानाय राइज्योफोराव थानाय नायबिजिरनायनि रुजुनायाव नख'रारि हिंसायारि जाथायाव बानायखौ दिखानाय जादों। बेयाव आसाम, हिमाचल प्रदेश, कर्नाटक, महाराष्ट्र, सिक्किम, जम्मु आरो काश्मीर आरो लाहाखआ दंफायो।

## कुली नम्बर 1 नि माम्मी कसम देखोआ 90 जौथाइखौ गोसोखांहोदों

गोदान दिल्ली, 16 डिसेम्बर:

फावखुंगुर बरुण धावन आरो सारा आली खाननि सावथुन कुली नम्बर 1 आ 25

डिसेम्बरआव एमेजन प्राइमआव रिलीस जागोन। सावथुननि थामथि देखो माम्मी कसमखौ मंगलबारखालि रिलीस

खालामबाय। देखोनि गुनआ बेनोदि, बेखौ साबसिन देखोगिरि उदित नारायनआ गारां होदों आरो बिन बल, धुनआ गबिन्दानि सावथुनफोराव लाडो। देखोआ गोबां कालारफुल, जायनि करियग्राफीआबो 90 जौथाइखौ गोसोखांहोयो।

दुइतरआव शेयार खालामदों आरो बेजों लोकोसे लिरदों-माम्मी कसम देखोखौ शब्बीर आहमेदआ लिरदों-जेराव बेनि मिउजिकखौ तनिष्क बागचीआ होदों। देखोआव उदित नारायणनि अनगायै मनाली ठाकुर आरो इक्कानि गारांखौबो बाहायदों। बेनि सिगां सावथुननि दौनै देखो हुस्न है सुहाना आरो

तेरी भाभीआ रिलीस जाखांबाय। कुली नम्बर 1 आ 1995 आव रिलीस जानाय सावथुननि रिमेक। अरिजिनल सावथुनआव गबिन्दा आरो करिश्मा कापुरआ गाहाय फाव खालामदोंमोन। कर्ना भाइरास पेन्डामिकनि जाहोनाव 2020 आव माकासे गिदिर सावथुनफोरखौ थोजोडै अटिटि

प्लेटफर्मसआव रिलीस खालामदों। कुली नम्बर 1 आबो गिबियाव सिनेमा हलफोराव रिलीस जासिगौमोन, नाथाय सिनेमा हलआ बन्द जानायनि जाहोनाव सावथुनखौ अटिटि प्लेटफर्मआव लिरसि खालामदों थांखि लादोंमोन।

## भारतीय मेनेसा यहूदीनि सा 252 सुबुंफोरा इज्राइलाव गोदान जिउ खुंहैसिगोन

टेल अबिब, 16 डिसेम्बर:

भारतनि सा-सान्जा राइज्योयाव थानाय मेनेसा यहूदी हारिनि गथ'फोर आरो बैसो गोरा सुबुंफोरजों लोकोसे सा 252 सुबुंफोरा इज्राइलाव गावसोरनि गोदान जिउ खुंनयाखौ जागायजेनो थाखाय बेन-गुरिय'उरां गाथोनाव सौहैदों। इज्राइल सरकारा अक्टूबर 2020 याव बिसोरखौ थाफैनायनि थाखाय गनायथि होदोंमोन। उरां गाथोननिफ्राय ओंखारनायनि उनाव गासिबो सुबुंफोरखौ नेम-खाथि


बादियै बिजिरनाय जादों। उरां गाथोनाव थानाय मेनेसा यहूदी हारिनि सासे सोद्रोमाआ बुंदों, 90 जौखोन्दो सुबुंफोरा नेम-खाथि बादियै नायबिजिरनायखौ फुरा खालामबाय। थाबैनो गासिबो सुबुंफोरखौ नेतान्यानि खाथियाव थानाय नरदिया मशावनि शावेइ इज्राइल मिरुयाव लानानै थानाय जागोन। शावेइआ इज्राइलनि मोनसे एनजिअ, जाय इज्राइलआव थाफैनो गोसो जानाय यहूदीफोरनि थाखाय अभियान सालायदों।

## जेनेटिक बेरामनि इन्जेक्सननि बेसेना 16 कौटि रां

लन्दन, 16 डिसेम्बर:

ब्रिटेनआव जोनोम मोन्नाय 8 सप्ताहनि गथ' एडवार्डनाव जेनेटिक स्पाइनाल मास्कुलार अट्रफी बेराम जादों। मुलुगनि बयनिखुइबो बेसेन गोसासिन मुलि जलगेनेस्मा इन्जेक्सनखौ बे गथ'नाव थुनाय जागोन। बे इन्जेक्सननि बेसेना 1.7 मिलियन पाउन्ड एबा 16 कौटि रां। एडवार्डनि बिमा बिफानआ फ्राइड फाइजों रां-खाथि बुधुमनो थाखाय हाबाफारि मावनायखौ जागायजेनदों। बिसोरो दासिमाव 1.11 कौटि रांखौ मोनो हाखांबाय। बिसोरो बुंदोंदि, गावसोरनि फिसाञ्चानि जिउआ बेसेन गोसा। बिनि

जिउखौ रैखाथि होनो थाखाय नाजानाय जागोन। 3 बोसोर सिगां बे बेरामनि फाहामथाय गैयामोन। नाथाय 2017 याव सा 15 गथ'फोरनो बे इन्जेक्सनखौ थुनाय जादों। बे इन्जेक्सनखौ आमेरिका, जार्मानी, ब्राजिल आरो जापाननिफ्राय बिहरनाय जायो। जेनेटिक स्पाइनाल मास्कुलार अट्रफी जाब्बा देहायाव एस एमएन-1 जीनआ खमी जायो। बिखानि मोदोम बेदरा लोरबां जानायनि जाहोनाव हां लानायाव जेना सोमजियो। समजों लोकोसे जेनाया बांलांब्ला बेरामिआ थैयो।



## आलाया एफ आरो सन्जयजों लोकोसे माखासे स्टारफोरा 2020 आव बलिउडआव फैदोंमोन

गोदान दिल्ली, 16 डिसेम्बर: भारतीय इन्टार टेन्मेन्ड इन्डस्ट्रिआ मुलुगाव बयनिखुइबो देरसिन, जेराव लाइमोन दिन्थिफुनो हाग्राफोरा अराय सम गोदान खाबु मोनबोबाय थादों। श्रेया चौधुरीनिफ्राय लानानै आलाया एफआ सावथुनाव मोजां फाव खालामनानै सुबुंफोरनि गोसोखौ बोनो हादों।

आलायाआ 'जाबानी जानेम'जों बलिउडआव डेब्यु खालामदों। सावथुनाव बिन फावखौ सुबुंफोरा गोबां मोजां मोन्दों। ताब्यु आरो सेफ आलि खान बायदि माखासे मुंदांखा फावगिरिफोराबो बे सावथुनाव बाहागो लादोंमोन। बे बायदिआव बिसोर साफ्रोमबोनि गेजेराव गावखौ फोरमान खालामनाया आलायानि थाखाय माबेबा सेलेन्सिन खम नडामोन। आथिखालाव फावखुंग्रिया गवनि गोहो आरो गवनि गोसोनि फोथायनायजों

बेबायदि खालामना दिन्थिनो हादों।

स्व बन्दिश बेन्डितस'आ रिलिज जानायनि उननिफ्राय सुबुंफोरा श्रेया चौधुरीखौ बाखायनायाव थाद'याखै। गिबियाव इरितयाज आलिजों लोकोसे मोनसे सुंद' सावथुनाव फाव खालाम खानाय फावखुंग्रिखौ स्वआव सासे नाजाग्रा पप देखोगिरि तमना शर्मानि महराव मोजां सिनायथि मोन्दों। बे समाव श्रेयानियाव माखासे गिदिर अफारफोर दं आरो सुबुंफोरा बिन सायाव गोबां आसाबो दं।

सन्जनाया 'रकस्टार' 'हिन्दी मिडियाम' आरो फुकरे बायदि सावथुनफोराव फिसा फिसा फाव खालामखांबाय। नाथाय रूसारि जानाय फावखुंगुर सुशान्त सिं राजपुतनि फाव खालामनाय सावथुन दिल बेचारा जों लोकोसे बियो जरखा सिनायथि मोन्दों।

No. B/PJD/CAMPA/tender/2020-21/1035-39 Dated Kokrajhar the 16/12/2020  
Tender Name: PTD 1.5 ha Nursery at Rajapara & PJD 3.0 ha Nursery at Rangamati hill

**PRESS NOTICE**

The Divisional Forest Officer, Parbatjhora Division, Suparigat on behalf of Governor of Assam invites bids from approved and eligible Contractors registered with Public Works Department, Assam /Contractors registered with Bodoland Territorial Council in the category of Class-I (A, B & C) and Class-II for the following works on 24-12-2020 up to 3 PM (IST).

Sl. No.	Name of Scheme	Approved amount with GST & other taxes
1	MAINTENANCE OF 1.5 ha NURSERY UNDER CAMPA SCHEME AT RAJAPARA KHORAGHAT RANGE UNDER PARBATJHORA DIVISION	8,61,403.00
2	MAINTENANCE OF 3 ha NURSERY UNDER CAMPA SCHEME AT RANGAMATI HILL, KHORAGHAT RANGE UNDER PARBATJHORA DIVISION	18,32,700.00

Details terms and condition, estimates may be seen in the office of the undersigned during office hours.  
Sd/-  
Divisional Forest Officer  
Parbatjhora Division, Suparigat.

IPR(BTC)-55/2020

**NAVODAYA VIDYALAYA SAMITI**  
An Autonomous Organization under Ministry of Education  
Department of School Education & Literacy Govt. of India

**ADMISSION NOTIFICATION**

It is to bring to the notice of all concerned that last date of submission of online applications for admission to Class-IX through Lateral Entry in Jawahar Navodaya Vidyalayas for the session 2021-22 is extended upto 31<sup>st</sup> December 2020 due to administrative reasons. Candidates may apply free of cost by visiting the website: [www.navodaya.gov.in](http://www.navodaya.gov.in) or [nvsadmissionclassnine.in](mailto:nvsadmissionclassnine.in)

Issued by Navodaya Vidyalaya Samiti

**ASSAM POWER GENERATION CORPORATION LIMITED**  
**NOTICE**

The Assam Power Generation Corporation Limited (APGCL), a State Generating Company has filed a Petition (Petition Nos. 20/21/22/23/24/25 of 2020) before the Hon'ble Assam Electricity Regulatory Commission (Hon'ble Commission) for approval of Truing Up for the FY 2019-20, Annual Performance Review for the FY 2020-21, Aggregate Revenue Requirement (ARR) and Tariff for the FY 2021-22. The detailed advertisement is available on the website of APGCL [www.apgcl.org](http://www.apgcl.org)

Sd/-, Chief General Manager (G)APGCL, Guwahati

**ASSAM ELECTRICITY GRID CORPORATION LIMITED**  
**NOTICE**

The Assam Electricity Grid Corporation Ltd. (AEGCL), a State Transmission Utility has filed Petitions for AEGCL and SLDC before the Hon'ble Assam Electricity Regulatory Commission (AERC) for approval of Truing up for FY 2019-20, Annual Performance Review for FY 2020-21 and Annual Revenue Requirement for FY 2021-22 (Petition No: 26/2020 (AEGCL) and 27/2020 (SLDC)).

The Hon'ble Commission has directed that any person who intends to file objection or comments in regard to proposed ARR and Tariff Petition of the AEGCL may do so by filing statement of objections or comments before the Secretary, Assam Electricity Regulatory Commission with copies of relevant documents and evidence in support thereof along with the affidavit as in Form - 2 of Assam Electricity Regulatory Commission (Conduct of Business) Regulations, 2004 as amended from time to time. Such objections or comments shall be submitted in soft copy to [aegcltariff@gmail.com](mailto:aegcltariff@gmail.com) and 5(five) copies by speed post or in person which should reach the Secretary, Assam Electricity Regulatory Commission, ASEB Campus, Sixth Mile, Dwarandhar, Guwahati-22 on or before 11-01-2021. A copy of the Petition is also available on the web site of the Hon'ble Commission [www.aerc.gov.in](http://www.aerc.gov.in) and on the web site of AEGCL [www.aegcl.co.in](http://www.aegcl.co.in).

Sd/- General Manager (HQ),  
AEGCL, Bijulee Bhawan, Guwahati-1

No UDP 666/Orunodoi/UDL/2020/62  
**ADVERTISEMENT**  
**(WALK-IN INTERVIEW FOR TEMPORARY ENGAGEMENT OF ORUNODOI SAHAYAK)**

In accordance with the Instruction laid in the guideline issued by Finance (IF) Department vide Notification No FIF 89/2020/48 Dated 14<sup>th</sup> August, 2020 regarding implementation of the scheme "ORUNODOI" in Udalguri District the undersigned is pleased to invite for WALK-IN INTERVIEW for temporary engagement of 4 (Four) Nos. "ORUNODOI SAHAYAK" in each of LACs i.e. Panery Udalguri and Mazbat LAC under Udalguri District for a period of 2 (two) months only at a fixed pay of Rs.15000/- (Rupees fifteen thousand) only per month.

**Eligibility Condition:**

- He/ She should be a Permanent Resident of Assam if he/ she is from outside the District should have assured place of stay to render service at any time
- He/ She should preferably have a personal Desktop / Laptop for the purpose of Data Entry/Uploading of Application/Documents in the online portal.

**Qualification:**

- He/ She should be a Graduate in any stream.
- He/ She must have basic knowledge of computer in MS Word and Excel and also should hold certificate in one year computer diploma course from any recognized institution.

**Age:**  
He/ She should not be more than 35 years of age on the day of publishing of the advertisement.

**Function:**

- To facilitate the implementation process of ORUNODOI Scheme at District Level and to assist the applicants in filling up of the Detailed Application Form (DAF) collecting bank details, signed copy of the Self Affidavit and other information after priorization & selection by District Level Monitoring Committee.
- Data Entry / Uploading of the approved list of beneficiaries on online portal.
- To give necessary support at VCDC and ULB level in preparation of the preliminary list.
- The Sahayak would function directly under the control and supervision of the Deputy Commissioner Udaiguri.

**Date of Walk-In-Interview:** 23<sup>rd</sup> December, 2020.  
**Reporting time:** 10:00 A.M.  
**Venue:** Conference Hall, O/o. the Deputy Commissioner, Udaiguri.  
Candidate shall attend the Walk-In Interview with Photo Identity proof and all Educational/ Experience testimonials  
No TA/DA will be admissible in this regard.

Sd/-  
Deputy Commissioner,  
Udaluguri  
JANASANYOG/D/8268/20



## फैमाल मिजिं

नोंनोमोन जॉनि गोरबोनि अनसाइगिरि  
फोरोंदोंमोन जोंखौ आसि थुनाय थुनाय  
हादोरखौ सिबिनो थाखाय  
बजबदोंमोन दावफोर बायदि ख' ख'  
हादोर सिबिनायनि थाखाय  
अ, आदा सोमब्ला बसुमतारी  
दुखु-दाहा खिन्था रोडमोन  
हादोरनि थाखाय।  
गाबखाडे जॉनि गोरबोआव  
नोंनि हादोर सिबिनायखौ गोसोखांन  
मिजिं दडमोन,  
थांखि दडमोन,  
हादोरखौ फोजानायनि।  
हांमा थाबाय नों हादोरखौ दावगा होनो  
दाहा थाबाय नों हादोरखौ सिबिनो  
फैमाल मिजिं नोंनि सान्नाय  
अ, आदा सोमब्ला बसुमतारी  
नोंनि फोरोंनायखौ लानानै  
लाबोगोन जों हादोरखौ खौसेनि लामायव  
बोसांगोन जों हादोरनि जेंन  
फोजोबगोन जों हादोरनि बेरेखा।

मुसि सिमां बसुमतारि  
कासिकत्रा गोजौ फरायसालि

## रजेआ आंनिमोन

नै आदा मोजां मोन्दोंमोन आं नोंखौ,  
नाथाय नों आंखौ नेवसि लांबाय  
आंनि गोसो सोलेरखौ बोखेब होबाय  
मा खालामबावनो मा बुंबावनो  
नोंनि गोसोआदि फोथाय खेबस'  
हमदां मोनाखैसे आं नोंनि गोसोखौ  
मिथिस' मोनाखैमोन आं, नोंदि बिदि खालामगोन ?  
नाथाय मा गोसो जाना नेवसिलांखो  
नों रजे गोरबो बिखा सिनिफ्राइ  
रजे नाथाय आंनि सोलेर मोदोमा बेसेबांबा,  
नों रजेआ थास' बिलाइनि दै बायदि  
आंखौ नेवसिगार लांबाय।  
फागुननि बारा देंखो बोना खालामबाय  
आंनि दुंहाव गोसोखौ बोदोर-बावलि।  
जायो आं गोदाव-सोराव  
बारहुंखा सारअन्थाइ, बुखुव लांबाय,  
जॉनि मोजां मोनलायनायखौ.....  
सान्दोंमोन आं नोंजों जुलि जानानै  
गंसे गोजों देरा लुनो  
नाथाय दिनै रजेआ आंखौ नेवसि लांबाय।

थरायना चन्दना बर'  
जालाह गोजौ फरायसालि  
जिल्ला:-बागसा

# रंजालि गथ' फोरनि सौरा

## दावगादो बर' हारि

दावगादो बर' हारि,  
गासिबो खौसेयै फारि फारि।  
उन्दुनानै थायोब्ला जानाय नड,  
समा जोंखौ नेबाय थानाय नड।  
दानो मावाबोला बर' हारि,  
गासिबो जोबलांगोन फारि फारि।  
सम थानायवनो फोजायाब्ला,  
हारि बोखांनो हायाब्ला  
जेब्लाबो उन थागोन,  
अरायबो गादब जागोन।  
मालाय हारिया जौगालांनोसै,  
बर' हारिया गोदोलांनोसै।  
गावनि हारिखौ देखानोब्ला  
गावनि हारिखौ जौगा खालामनोब्ला  
नाजानांगोन खौसेयै बर' हारि,  
ओंखारबोनांगोन खौसेयै फारि फारि।

मुसि भाबायन दैमारी  
गरेस्वर हाइ स्कुल

## नों बावबाय नामा ?

नों बावबाय नामा  
आंदि नोंखौ बेसेबांबा मोजां मोनो,  
नाथाय नोंखौ मोननो थाखाय आंदि  
नोंखौ सान थोवा हर थोवा गोसोखांबाइ थायो।  
थायो आं सना आंनि बेसेबांदि आंनि अननाय  
आरो मोजां मोन्नाइ फोरमायनो सानो,  
आं सना गोबौ बिखा बुंफबनानै आं नोंनो  
आंनि अननायखौ आं फोरमायनो सानो,  
नाथाय हाया नोंखौ लोगो हमनो,  
फोरमायनो सानोदि आं नोंनो आंनि गोसो  
गोबौनि बाश्ना नोंनो बेखेवना होनो नाथाय  
नाथाइ आंनि गोसाआल' खुद्रिदों,  
नाथाय नोंजों बाश्ना फंसे राइज्लाइनो सानो,  
नाथाय नोंखौ लोगो मोनब्लानो आंनि खुगाया गोवा;  
आं जेबो बुजिनो हालिया  
नोडे आंनि मोजां मोनाइखौ मोन्दां हाबाय बोला  
फोलोमदो नों आंनि हाबिला गोसोखौ, बिनानाव  
दं आंहा नोंनि थाखाय हांमा आंनि गोसो  
गोबौआव; होदो नों नोंनि खुगानिफ्राय फंसे  
नोंनि गोदौ राव।

मुसि फानु एल नार्जारी  
कक्राझार,

# करना बोथोरनि समाव माखासे हादतफोराव दावबायहैनो हागोन

गोदान दिल्ली, 16 डिसेम्बर: इन्फेक्सननि समाव  
माखासे हादरफोराव दावबायहैनो हागोन। बेफोर जादों-  
(1) माल्दीपआव दावबायहैनायनि बयनिखुइबो साबसिन समा  
जादों-डिसेम्बरनिफ्राय एप्रिल दानसिम। ट्रेबल बाबलनि सुबिदानि

(3) भारतयारि पासपर्टजों लोगोसे जुदि भेलिड बिजिटर दंब्ला  
भारतनिफ्राय आमेरिकाखौ दावबायनो हागोन। आमेरिकायाव  
सौहैब्ला 14 सानफोरनि थाखाय क्वारेन्टाइन थानांगोन आरो  
लोगोसेनो बेवहायनि गाइडलाइन्सखौ फल' खालामनांगोन।

दावबायनो हानायनि गनायथि दं। भुटानआव दावबायहैयोब्ला  
21 साननि क्वारेन्टाइन थानांगोन आरो कभिड-19 टेस्ट  
खालामजानांगोन। बेनि खरसाखौ दावबायारिफोरा गावनो  
बाहायनांगोन।



उनाव भारत आरो माल्दीपनि गेजेराव उरां जाहाजनि गनायथि  
मोनबाय। माल्दीपआव हाबनो थाखाय कम्पर्ट बुकिं आरो कभिड-  
19 नि नेगेटिभ पिसिआर टेस्ट रिपर्ट थानांगोन। लोगोसे माल्दीपआव  
सौहैब्ला दावबायारिफोरखौ कभिड-19 टेस्ट खालामनाय जायो।



डिसेम्बरनिफ्राय लानानै मार्च दानसिम आमेरिकायाव  
दावबायनायनि थाखाय मोजां सम जायो। आमेरिकायाव निउयर्क,  
सानफ्रान्सिस्को, येल्स्टन नेसनेल पार्क वारमेन्ट आरो इलीनाइसखौ  
दावबायनो हायो।

(6) भारत हादरनि आइन बादियै इउएइ भिजा दडब्ला इउएइखौ  
दावबायनो हागोन। दावबायारिफोरा खेबनै कभिड-19 पिसिआर  
आन्जादखौ नायजानांगोन।  
(7) खोला आफ्रिकाया दावबायनायनि थाखाय गावसोरनि



(2) कतरआ बावैसो समाव गुबुनारि हादरफोरनि दावबायारिफोरनि  
थाखाय गावसोरनि दर्जाखौ खुलिबाय। भारतनिफ्राय बेवहाय  
सौहैनाय सुबुंफोरा हटेलआव थानांगोन आरो 48 घन्टा नि गेजेराव  
कभिड-19 टेस्ट खालामनांगोन। जुदि टेस्ट रिपर्टआ नेगेटिभ  
फैयोब्ला कतरनि एप एरतेराजआव स्टेटासआ गोमो जागोन।



(4) भारतयारि नोगोरारिनाव आइन बादियै इउके भिजा दंब्ला  
ब्रिटेइन्आव ट्रेबल बाबल राहानि गेजेरजों दावबायनो हायो।  
इंलेण्डआव सौहैनाय लोगो लोगोनो 14 सानफोरनि थाखाय  
क्वारेन्टाइन थानांगोन।  
(5) भारतयारि नोगोरारिफोरा बाबल राहानि गेजेरजों भुटानखौ

लामाखौ खुलिनानै होबाय। बेवहाय दावबायहैयोब्ला पिसिआर  
नेगेटिभ रिपर्टखौ लानानै थानांगोन, जाय 72 घन्टा गोजाम जानो  
मोन्नाय नड। लोगोसे बेवहाय क्वारेन्टाइन थानांगोन, बेवहाय  
सौहैयोब्ला दावबायारिफोरखौ कभिड-19 स्क्रीनिं खालामनाय  
जागोन।



## लिमारिक

(1)  
थाइगित गुरिनिलाइ दुमफे गावदां  
फरायदों नोंलाइ ब्लास ओइड  
फारसे थिडे हगार हरबाय थादों  
गोसोखौ जिरेन गाथिआनोसो  
(2)  
होनोलाइ थिदिमोन बियो मेट्रिक  
पास खालामनो फारसै थिडे बिनि  
गोसोआ थिनदों हाबा जागौसै जागौसै  
माब्लानि समाव जुलिनि खौरां मोननोसै।  
(3)  
सानसै बिनि गोसोआव खाथि खाथि  
नुवाबा जिहं फाहं मोनलायो  
दसे नुवाबानो बुहुमखौनो दरसि खोमसि  
मोनलायो जासै सानफ्रामबो बियो  
(4)  
जिरेन गाथिआनि थाखेनो खावब्ला सिख्ला  
फरायदिमोन नोंलाइ दुमफे गावदां  
ख्लास ओद्ला बेवनो जाबाय नोंनि गोसोआ  
फिसायनि हांखुर बांखुर जाहोमारनोसै नामा नोंलाइ  
दुमफे दावदां जुलिखौनो ग्रोम ग्रोम।

मिस अन्जिमा कालाहारा  
कासिया बारि गोजौ फरायसालि  
थाखो- डाइन ( 8 ), गामि: सरेन्द्रपुर।  
ला:सो:- कासिया बारि  
जिला- कक्राझार बि टि आर

## बर' हादोर

जोनोम आंनि आसाम हादोराव  
राव आंनि बड' फोलेराव  
थायो गोजोन सुदेम देरायाव  
दैदेनगिरि बड' जोहोलावनि  
राव आंनि बड' बिमानि  
रिखाडे देंखो रावनि।  
जाबोबाय गोदो गोदाव सोराव बड' हारि  
देरहाबो फिनबाय फारि-फारि  
बेनो आंनि बड' हारि।  
देरबाय लावबाय मिजिंथिबाय  
रोंबाय राबाय बराय जाबाय  
नुबाय खोनाबाय रंजाबाय।

थरायना अनिमिया नार्जारी  
गामि:- गौरां तिनालि  
ला:सो:- हल्टुगाव  
जिल्ला:- कक्राझार।



## चिराडव टि डि भेक्सन होनायनि थाखाय साखा-फारा खालामनायनि सायाव मेल खुंदों

देहाफाहमगिरिफोरजों लोगोसे जिल्ला देहा बिफाननि गोबां मावथिफारियाफोरबो बहागो लादोंमोन । मेलआव जिल्ला बेंगिरि गौतम तालुकदारआ गावनि बिबुंथि लाखिनाय समाव बे टि डि भेक्सन होनायनि हाबाफारिखौं जाफुंसार महरै मावफुंनो हानाय बायदि देहा बिफानजों लोगोसे समाज अन्साय बिफान आरो सोलौंथाय बिफानखौं मदत होफानो खाबलायो । लोगोसे बिथाडा टि डि भेक्सनखौं बयनिबो हेफाजाब होलायनायनि गेजेरजों जिल्लानि गासै खना-खनला गामियारि थागिबिफोर आरो फरायसाफोरनिसिम सौहैहोनो हागोनखौं मिज्जिथिनाय फोरमायो । बे हाबाफारियावनो डब्लिउ एडच अनि कन्साल्टेन्ट डा० हिरेन गौआ टि डि भेक्सननि गोनांथि आरो बेखौं समाज आरो फरायसालिफोराव सहैहोनायनि सायाव थियारि खालामनाय मोनसे पि पि टिखौं दिन्थिफुंनानै होयो । मख 'नाय जायोदि, भारत सरकारनि देहा आरो नख 'र अन्साय बिफाननि मन्थि आफादआ बिथोन होनाय बायदिब्ला टि डि भेक्सनखौं 10 निफ्राय 16 बोसोर बैसोनि गासै गथ 'फोरखौं होनांगौ । बेनिनो लोब्बायै चिरां जिल्ला हेल्ट ससाइटीआ जिल्लानि सिडाव 16,469 मुलाम्फारिफोरनिसिम टि डि भेक्सन जगायनायनि थाखाय ए एन एम, आसा आरो ए डब्लिउ डब्लिउखौं लाफानानै सेक्टरेल मेडिकेल अफिसारफोर आरो देहा मावथिफोरखौं लानानै मोन 147 भेक्सन हान्जाखौं दानानै लाखानाय जाबाय ।

## बिसायख थियाव देहासार जानो हानाय बि पि एफनि बिजाथिफोरखौं बरायदों

हानाय रेवरेवा नार्जहारिया मैया बि पि एफ दोलोखौं नागारो । बे रोखोम गोनो-गोथो थासारि सोमजिबाय थासेयावबो नाथाय बि पि एफ दोलोआ बि टि सिआव गावसिनि सरकार दागोननि मिज्जिखौं नागराखै हिंसाबै बिसायख थियाव सायख 'जानाय बिजाथिफोर गुवाहाटी लिली हटेलआव जोबनानै दोनजानायनिफ्राय उदां जानायनि उनावनो बि पि एफआ सरकार दागोन होन्नानै दासिमबो दाबि खालामबाय थादों । दिनै बुधबारखालि कक्राझार सहरनि साहा फारसे साखाथियाव थानाय टितागुरि सामगावनि बाथौ कमप्लेक्सनि आरनाइ रेस्टुरेन्टआव बि पि एफ दोलोन मोनसे मेहेरगोनां हाबाफारि खुंफुं जादों । बे हाबाफारियाव बावैसो जालांनाय आरो फोसावजानाय बि टि सिनि बिसायख थियाव राइजो-रजाफोरनि भट मोन्नानै देहासार जानो हानाय बि पि एफनि गासैबो बिजाथिफोरखौं बरायदों । रेवरेवा नार्जहारिनि अनगायै बे हाबाफारियाव बहागो लानाय बि पि एफ दोलोन देहासार जानो हानाय बिजाथिफोरखौं बरायनाय हाबाफारियाव बहागो लायो बि पि एफनि आफादगिरि आरो बि टि सिनि बारग 'गाहाय खुंगिरि हाग्रामा महिलारिआ । बे बराय हाबाफारियाव बहागो लानाय बि पि एफ दोलोन गाहाय नेहाथारि प्रबिन बर'आ खौरगिरिफोरनि सिगाडाव दाबिनानै बुडोदि, लिली हटेलआव जोबजाना दोनजानायनिफ्राय उदां जाब्लानो सा 7 बिजाथि एवा सोद्रोमाफोरा बि पि एफआव हाबफैगोन आरो बिसोरखौं लानानै बि पि एफ दोलोआनो बि टि सिआव सरकार दाफिनगोन । बि पि एफ दोलोखौं गिनानै इउ पि पि एल आरो बि जे पिआ गावसिनि बिजाथिफोरखौं बे रोखोम जोबनानै दोनहैदों आरो बिसोरनि बे रोखोम खामानि मावनाया सुबुं खान्थिनि बेरेखा जादों । लोगोसे बि टि सिआव इउ पि पि एल, बि जे पि आरो जि एस पिनि लोगो नांनानै जुथाय सरकार दानायाव गनायथाव जायाखै । मानोना बि पि एफ दोलोआ बांसिन मासियाव देरहानाय हिंसाबै बि पि एफखौं सिगांगो सरकार दानो थाखाय हांखायनांगोमोन आरो खाबु होनांगोमोन । बि जे पि, इउ पि पि एल आरो जि एस पिनि सरकार दानाया नेमखान्थि बायदि जायाखै होन्नानै अजद होनायजों लोगोसे रेवरेवा नार्जहारिनि दोलो नागरागाव गाव हारसिडैनो जाहोन आरो दासिम नेमखान्थि बायदियै दोलोनो बिबान एंगारलाइ होयाखै होन्नानै प्रबिन बर'आ खौरगिरिनि सिगाडाव बुंथिबावो ।

## मिरुनि नख 'र मन्थि अमित शाहआ 26 डिसेम्बराव आसाम दावबायफैगोन

बिसायख थिनि थाखाय राइज्यो बि जे पिनि मोनसे गोनांथार मेल जथुमाव बाहागो लाफैगोन । मिथिनो मोन्नाय बायदिब्ला बे मेलयाव फैगौ बिधान सभा बिसायख थियाव ए जि पि आरो बि जे पिनि गेजेराव मासि रनलायनाय आयदाखौं लानानै सावरायनाय जागोन । अमित शाहआ आसाम दावबायफैगोनखौं लानानै राइज्योनि बि जे पि देदेनगिरिफोर गोजोन्नाय फोरमायदों आरो बिथानि दावबायफैनाया फैगौ बिधान सभा बिसायख थिनि थाखाय राइज्योयाव बि जे पिनि खौंसल एवा थाक-थियारि खालामनायाव गोखौंसिन जाहोगोनखौं मिज्जिथिनाय फोरमायदों । मख 'नो गोनांदि, बावैसो सानफोर सिगां खुंफुंलांजानाय बि टि सिनि बिसायख थियाव बि जे पिआ मोन 9 आरो इउ पि पि एलआ मोन 12 मासि देरहानानै बि टि सिआव जुथाय सरकार दानायनि थांखि लानायखौं मिरु नख 'र मन्थि अमित शाहआ गाहाम हामब्लायथि जासिहरनायजों लोगोसे सा-सान्जा ओन्सोलखौं जौगाखांहोनो थाखाय गाहाय मन्थि नेम्प्रे मदिनि थांखि लानायनि सायाव फोथायथि लाखिनायनि थाखाय आसामनि साफ्रोमबो नोगोरारिफोरनिसिम साबायखर जासिहरदों ।

## देरहानाय बिजाथिफोरखौं हटेलाव दोन्नाया दुखुनांथाव जादों: महेश्वर बसुमतारि

बायदियैसो सरकार दाजानांगौ । बि पि एफआ हारसिडै बांसानखो मासि देरहानानैबो राइज्यो बेंगिरिया सरकार दानो थाखाय बि पि एफ दोलोखौं हांखायाखै । दिनैसिमबो जों सरकार दानो थाखाय दाबि खालामगासिनो नाथाय बि जे पि आरो इउ पि पि एलआ सुबुं खुंथायनि नेमखान्थिखौं सिफायनानै सरकार दानो थंगासिनो । बेनि थाखाय जोबोद दुखुनांथाव । राइज्योयाव राजखान्थि थासारिया जोबोद गात्रि महर लानो हमगासिनो । बे हिंसाबै आसामआव जेसेबां राजखान्थि दोलोफोर दड बिसोरो जौंखौं हेफाजाब होनांगोन आरो खौंसे जानांगोन । बिसायख थि फिथाइ फोसावनाय सानखालिनिफ्रायनो देरहासार जानो हानाय बिजाथिफोरा दिनैसिम गावसिनि न' फारसे गिदिंलांफिन्नो खाबु मोनाखै । बि जे पि आरो इउ पि पि एलनि खैसाराव बिसोरो गुवाहाटीनि हटेल लिलीआव जोबजानानै दोनजादों । जुदि बिसायख थियाव देरहासार जानो हानाय सोद्रोमाफोरखौं गावसिनि आखाय मुथायाव लानानै एरै-हैरै दैथिंथाव थायोब्ला आरो जेबो गोहो होयाब्ला राइजो-रजाफोरनि थाखाय मा खामानि मावनानै होनो हागोन होन्नानै अजद होयो । लोगोसे बिथाडा बुंबावोदि, बि टि सि सरकार जुदि बि जे पिनि बिथोन बायदियै सोलियोब्ला बि टि सि हालामनि राइजो-रजाफोरनि थाखाय मा जौगानाय खामानि मावनो हागोन । 34 बोसोर सम आखायाव हाथियार लानानै हारिनि थाखाय सोमावसारबोनाय एन डि एफ बि फंबाय-बिदाफोरा बि टि आर गोरोबथानि गेजेरजों गावसिनि गावखौं फसंथानायनि मोन्थायफोरखौं मोनफुंनाया बेसेबां जाथावना जागोन होन्नानै महेश्वर बसुमतारिआ सौंथि दिखाडो । लोगोसे जाहाथे बेफोरबायदि सुबुं खुंथायनि नेमखान्थिखौं सिफायनानै सोलियाल्लासे जेहुथु बि टि सिआव सरकार दाबयब्ला बि टि सि हालामनि गासै हारि-हारिसानि आरो जौगानायनि थाखाय खामानि मावलानो गोदानै दानाय सरकारखौं खावलायो ।

## मन्थि प्रमिला रानि ब्रह्मआ बि टि सिआव जुथाय सरकार दानायखौं गोजोन्नाय मोनाखै

तितागुरियाव थानाय बाथौ कमप्लेक्स एवा आरनाइ हटेलआव मोनसे खौरगिरि मेल खुंनायनि गेजेरजों मन्थि प्रमिला रानि ब्रह्मआ बे दुखु गोनां बाश्राखौं फोरमायथिदों । बिथाडा बुंदोंदि, बि टि सिआव थानाय सानखालि सरकार दानाया सुबुंखान्थिनि नेम बायदियै जायाखै । बांसिन मासियाव देरहानो हानाय दोलोखौं नागरानानै सरकार दानाया गनायथाव जायाखै । मानोना डेमक्रेटिक हादतआव बेबायदि सिस्टेम गैया । नाथाय थेवब्लाबो बि जे पिआ आनडेमक्रेटिक खामानिखौं मावनानै इउ पि पि एलजों लोगो नांनानै बि टि सिआव सरकार दाबाय । थेवब्लाबो जॉनि बि पि एफ हान्जाया सहायनानै थादों । नाथाय जॉनि दोलोआ बेनि सायाव आयेननि राहा लानायनि थांखि लादों । आयेनआ माखौं थिनो बेखौंसो जों गनायनानै लागोन होन्नानै मन्थि ब्रह्मआ बि टि सिआव गोदान सरकार दानायखौं बरायनायजों लोगोसे बि टि सि हालामनि गासै हारि-माहारिनि सुबुंफोरनि गेजेराव गोजोन, खौंसेथि आरो रेखाथिनि आबहावा गाइसन्नाय आरो मोजां खुंथाय लाबोगोनखौं मिज्जिथिनाय फोरमायो ।

## बोसोरारि खुगा लाइसि 'फरायसा'नि थाखाय लिबिदां हांखायदों

सालिया जथुम्माखौं खुंफुंनो थाखाय थाम-थिम खालामनाय जादों । बेजों लोगोसेनो जिल्लानि बोसोरारि खुगा लाइसि 'फरायसा'नि 14 थि बिसानखौंबो सेबखानो थाखाय थि खालामनाय जादों । बेनि थाखाय लाइसिनि गाहाय सुजुगिरि पतनेश्वर बर' आरो जिल्लानि थुनलाइयारि नेहाथारि तंकेश्वर बर'आ गोसो गुदुं फरायसा लिगिरिफोरनिफ्राय रायथाइ सावरायथाय, खन्थाइ, सुंद' सल' बायदि लिबिदां हांखायहरदों । लिबिदांखौं फैगौ 30 डिसेम्बरनि सिगां-सिगां tankeswarboro02@gmail.com इ-मेलआव दैथायहरनो थाखाय खावलायहरदों ।

## चिरां जिल्ला बर' थुनलाइ आफादआ बि टि सिनि गोदान सरकारखौं बरायदों

लोगोसे बेरेखा दोलोनि बारग ' बि टि सिनि गाहाय खुंगिरि हाग्रामा महिलारि आरो बिथानि गासै एम सि एल एफोरनिसिम चिरां जिल्ला बर' थुनलाइ आफादआ गाहाम हामब्लायथि हरनायजों लोगोसे गोदानै दाजानाय सरकारखौं गोसो गोथारै बरायदों । बिथानोमोननि गोग्गो दैदेनायजों बड'लेन्ड ओन्सोलनि गोजोन खौंसेथि आरो जौगानाय लाबोगोनखौं चिरां जिल्ला बर' थुनलाइ आफादआ अराय सम हास्थायो होन्नानै रादाव बिबुंसारनि गेजेरजों फोरमायथि हरदों ।

## करना बोथोराव डायबिटिज आरो ब्लाड प्रेसारजों थैनायाबो बांदों

निउयर्क, 16 डिसेम्बर:

आमेरिकायाव 2020 बोसोरा थैनाय अन्जिमानि बिथिडव सरासन्ना नडै महरै फोरमान जादों । बबेखानि जेब्लानिफ्राय करना महामारिआ जागायो अब्लानिफ्राय बेयाव गुबुन बोसोरफोरनि रुजुनायाव 3,56,000 निखुइ बांसिन सुबुंफोर थैबाय । नाथाय गासै थैनायफोरा थोंजोडै करना भाइरासजों सोमोन्दो गैया । अदेबानि सरासन्नायै ब्रे बाहागोनिसे बाहागोनिखुइ बांसिन थैनायफोरा डाइबिटिज, अल्जाइमार, हाइ ब्लाड ब्रेसार, निमनिया बाइदिफोरनि जाहोनजोंसो जादों । बे खौराडा सेन्टार फर

डिजीज कन्ट्रल एन्ड प्रिभेन्सननि अन्जिमाआ निउयर्क टाइम्सनि गेजेरजों खालामनाय नायबिजिनरनायनिफ्राय रोखा जानो हागौ । करनानि जाहोनाव हेल्थ केयार सिस्टेमनि सायाव गिल्लिर बिबान गोरलैयो आरो गुबुन बेमारिफोरखौं सिगां बोसोरनि बायदि जोथोन लानाय जायाखै । लोगोसे महामारिनि जाहोनाव नख 'रफोरनि रांखान्थि थासारिया लोरबां जालांनयजोंबो थैनायफोरनि अन्जिमाया बांदों । बे बोसोराव डायबिटिजजों थैनाया सरासन्नि रुजुनायाव 15 जौखोन्दो बारा जादों ।

## रुमिखौ हास्थायो आं

सोर नुदों सोर खोनादों आंनि दुखु दाहाखौं, दावसि दावसायासो साखि दं, नोंखौ सान्नानै हासिं हाला बिबार बारि-बारि बेरायला बायनायखौं नुनानै जरा- जरा बिदें सोबनो फेनाय सिखिरि सुबुंफोरा आंखो मिनिलांबाय । नोंखौं आं गोसो गोथारजों मोजां मोनो नाथाय नॉनिफ्राय अन्नाय मोन्नो लुबैयो आं, मानोंगों गोसो हगार सारना होआ नों, नॉनि बेबायदि गोदे रावजों रायच्लायनाय फोरखौं लानानै जायो आं उसाव- बादाव, सोर्गानि अलंबार बायदि बेफोरखौं बावगार लांनंगौबा, आंनि गोसोआ हिमालय हाजो बायनाय बायदि बायनानै खाम्फा लुहैनो हायैबायदि आंनि मेगननिफ्राय निजोरा बोहैगोन अनजालि । रुमिनों गुबुननि थाखाय हांगार फिथर ब्लाबो आंनि थाखाय स'ना फिथर । गावखौं बिबार बारि-बारि बेरायनायखौं नुनायखाय, आंनि गोसोआ गनायगोन सान्ना आंबो बिबार बारियाव बेरायग्लां बायो, नाथाय गावखौं नुवाबा गोसोआ गनाया, मोना बिलि समाव थाडो आं नॉनि लांगोनायाव आंखौं नेना थागोन सान्ना । नॉनि मिननायखौं नुयोबोला गोसोआ आंनि अखा मोप्लामनाय बायदि मोनो । रुमिखौ हास्थायो आं अरायबो, लायजाम हरदोंमोन आं फिन्नाय मोनफिनानै, नाथाय.....बिबा सोरखौं हास्थायदों ?

गपाल रामचिायारी  
बागसा, आसाम

## कक्राझार जिल्ला दुलाराय बर' हारिमु आफादआ बि टि आरनि गोदान सरकारखौं बरायदों

जायाखैमोनब्लाबो फिथाइनि उनाव इउ पि पि एल, बि जे पि आरो जि एस पि मोन्थाम दोलोजों जुथायै इउ पि पि एलनि आफादगिरि प्रमद बर'नि दैदेनायाव गोदान सरकार थानाय 15 डिसेम्बरखालि समायखिरा लायो आरो बे समायखिरा लानाय हाबाफारियाव लाख-लाख सुबुं आरो आसामनि गिबि मन्थि सर्बानन्द सनवाल, आसामनि रांखान्थि मन्थि ड० हिमन्त बिश्व शर्मा, बि जे पिनि गाहाय नेहाथारि एवा एम पि दिलिप सइकिया आरो गोबां गेदेमा सुबुंफोरनि नुजाथिनायाव समायखिरा लानो हानाय बि टि सिनि गाहाय मावफुं सोद्रोमा प्रमद बर', लेइइ गाहाय मावफुं सोद्रोमा गबिन्द' बसुमतारि, मावफुं सोद्रोमाफोर दिगन्त बरुवा, धर्म नारायन दास आरो घनस्थाम दासजों लोगोसे गोदान सरकाराव थानाय साफ्रोमबो एम सि एल एफोरनिसिम कक्राझार जिल्ला दुलाराय बर' हारिमु आफादनिफ्राय गाहाम हामब्लायथि बाउहरदों । गाहाय मावफुं सोद्रोमा प्रमद बर'नि दैदेनायाव गोदान सरकार बि टि आरखौं जाखल'नाय गैयै गोग्गो आरो मोनसे सिस्टिमजों सालायनानै बि टि आरखौं जौगानायनि फारसे लांगोनखौं मिज्जिथिनाय फोरमायनायजों लोगोसे जानानै थानाय बिसायख थिनि समाव गावजों-गावनि गेजेराव जालांनय दान्थे-बिदान्थे, सौंखारिलायनायफोरखौं बावगारजोबनानै मोनसे गोजोन सुखुनि थासारि लाबोनो थाखाय साफ्रोमबो दैदेनगिरिफोरजों लोगोसे राइजो-रजाफोरखौंबो कक्राझार जिल्ला दुलाराय बर' हारिमु आफादआ खावलायहरदों ।

## हादतआव लान्थियै 17 थि सानसिमाव 40 रोजानि बाडइसिन करना सन्देरदों

सानसेनि गेजेरावनो 33 रोजा 853 सुबुंफोरा करना भाइरासनिफ्राय फाहामथाय लानायनि उनाव गाहाम देहायाव फैंफिन्दों आरो सा 383 सुबुंफोरा जिउ गोमादों । बेबायदिनो हादतआव दासिम करना भाइरास सन्देनाय सुबुंनि बिसाना गासै 99.32 लाखसिम जाहैबाय । बेनि गेजेराव 94.55 सुबुंफोरा फाहामथाय लानायनि उनाव गाहाम देहायाव फैंफिनबाय । बेराफारसे दुखुनांथाव बाश्रादि, बे गिखंथाव भाइरासजों गांग्लोबजानानै हादतआव दासिम गासै सा 1.44 लाख सुबुंफोरा जिउ गोमाबाय आरो दासिम 3.30 लाख करना सन्देरजानाय सुबुंफोरा फाहामथाय लागसिनो । दासान्दि सानफ्रोमबो 25-30 रोजा सुबुंफोरनि देहायाव गोदानै करना भाइरास मोन्नो हाबाय थादों । जुदि बे बिसानखौं नोजोर होयोब्ला फैगौ सान्थामनि गेजेराव हादतआव करना सन्देरजानाय गासै सुबुंनि बिसाना 1 कौटिनि बांसिन जाहैगोन । बेराफारसे मुलुगनां बाश्रा राइज्लायोब्ला करना सन्देनाय बिसाना 7.37 कौटिनि बांसिन जाहैबाय आरो 5 कौटि 17 लाखनि बांसिन सुबुंफोरा मोजां देहायाव फैंफिनबाय । दासिम मुलुगनाडै 16 लाख 40 रोजा सुबुंफोरा बे भाइरासजों जिउ गोमाबाय ।

## रोनगोरा नार्जारिआ इउ पि पि एलनि मावफुं आफादगिरि महरै थिसनजाबाय

बेबायदिनो लेइइ आफादगिरि महरै खामानि मावबोनाय रोनगोरा नार्जिखौं दोलोनि मावफुं आफादगिरि महरै थिसन्नाय जायो । बे जथुमनि गेजेरजोंनो थानाय बि टि सिनि बिसायख थियाव गोब्राव दुखु जालानि गेजेरजों नांथाबनानै मंनाय-बानाय, जिरायनाय गैयालासे दोलोनि थाखाय खामानि मावबोनायनि थाखाय इउ पि पि एलनि साफ्रोमबो मावथि सोद्रोमाफोरनिसिम साबायखर जासियो । दिनैनि बे मेलयाव बि टि सिनि गाहाय मावफुंगिरि प्रमद बर'जों लोगोसे इउ पि पि एल मिरु आफादनि गोबां दैदेनगिरिफोरबो दंफायोमोन ।

## डि पि आइ आइ टिआ आसाम सरकारजों लोगो नांनानै फालांगिनि सायाव वर्कशप खुंदों

एडमिस्ट्रेट्रि स्टाफ कलेजआव खुंनाय बे वार्कसपआव सा-सान्जानि गासै राइज्योफोराव फालांगि बिथिडव जौगाखांहोनांगौनि फारसे गोनांथि होनानै गुवारै सावरायनाय जादों । डि पि आइ आइ टिनि फोनांजाव नेहाथारि भि राधया दिनै बे वार्कसपखौं बेखेवनानै होदों । बे हाबाफारियावनो आसाम सरकारनि दारिमिन आरो फालांगि बिफाननि कमिसनार ड० के के दैबेदि, अन्ध प्रदेश राइज्यो सरकारनि दारिमिन बिफाननि बिथोनगिरि जे भि एन सुब्रमनियाम, आसाम इन्डास्ट्रि डेभलपमेन्ट करपरेसन लिमिटेडनि सामलाय बिथोनगिरि वेनाम सरन कुमार मोननि नुजाथिनायाव सा-सान्जा राइज्योफोराव फालांगि फोजौखांनय एवा फुवारनि सायाव सावरायनायनि गेजेरजों मोनसे एक्सनप्लान खालामनानै लानाय जादों ।

## बि पि एफ दोलोनिफ्राय गोदानै सायख 'जानाय एम सि एल ए रेवरेवा नार्जिहारिआ बि जे पिआव

होथेनानै लाखिनायनि सोमोन्दै फिनजाथाय होनानै बि जे पिनि आफादगिरि रन्जित कुमार दासआ बुडोदि, पुरिषदिनि सोद्रोमाफोरा गावबा-गाव जिल्लाफोराव थाडोब्ला नागेरनानै मोन्नो गोब्राव जागोन बेखायनो मान बाउनायनि थाखाय आरो बायदिसिना हाबाफारिनि सोमोन्दै सावरायनो हट्टेलाव ज' जानानै दड होन्नानै बुडो । बेराफारसे हट्टेल राजखान्थिनि सोमोन्दै बिजाथाय होनानै गन' सुरक्षा पारटीनि आफादगिरि नब' कुमार शनियआ बुडो आथिखालनि राजखान्थियावबो हट्टेल राजखान्थिया सोलिसै । बेयो जाथावनाबो, बि टि सिआव बिबिन्दो सोलियो । दासिमबो माखासे सावरायनो गोनां आद्रा दंबावो । बेखायनो हट्टेलाव थानानैनो सावरायगासिनो थानाय जादों होन्नानै बुडो बिथाडा ।

## गोदानै दाजानाय बि टि सि सरकारखौं बाक्सा जिल्ला बि टि आर जानालिस्ट एससियेसनआ बरायदों

एवा बिबान आजावनाय प्रमद बर'जों लोगोसे लेइइ गाहाय मावफुं सोद्रोमा गबिन्द' बसुमतारि आरो गासै मावफुं सोद्रोमा आरो एम सि एल एफोरनिसिम गाहाम हामब्लायथि जासिहरो । दिनै बाक्सा जिल्ला बि टि आर जानालिस्ट एससियेसननि मावफुं आफादगिरि बिनय कुमार बर' आरो गाहाय नेहाथारि निरेन कुमार शर्मानोहा इउ पि पि एल, बि जे पि, जि एस पिनि लोगो नांनानै दानाय प्रमद बर'नि दैदेनायाव गोदान बि टि सि सरकार फैंबाय थानाय समफोराव बि टि सि हालामनि गासै हारि-हारिसाफोरनि आरो ओन्सोलनि समान जौगाथायजों लोगोसे बि टि सि हालामनि सिडाव खामानि मावगासिनो थानाय गासै खौरगिरिफोरनि गांनाय उखैनाय आरो जेनाफोरखौं बोखानायनि सायाव खामानि मावगोननि मिज्जिथिनाय फोरमायो ।

## बोसोरस्मेयाव 4 थि खेब जे इ इ आन्जाद होनो मोनसिगोन


आन्जादखौं होयोब्ला, बेनि गेजेराव साबसिन एवा बांसिन नम्बर मोन्नो हायो बेनि सायाव सोनारनाय जागोन । बेनि अनगायैबो बे खेबनि जे इ इ आन्जादआ गासै मोन 13 रवफोराव खुंजागोन । एम एडच आर डिआ नेसनेस टेस्टिं एजेन्सिखौं खमैबो मोन 13 रवफोराव आन्जादखौं खुंनायनि थियारि खालामनो बिथोन होदों । बे मोन 13 रवफोरनि गेजेराव दं फारियै, असमीया, बेंगली, इंगजी, गुजराटि, हिन्दी, कन्डु, माराटि, उरिया, मालयालम, पान्जाबि, तामिल, टेलेगु आरो उर्दु । अदेबानि 2021 नि जे इ इ मेइन् आन्जादनि थाखाय रेजिस्ट्रेसन खालामनाया जागायबायानो । गोसो गुदुं बिनायसा एवा फरायसाफोरा एन टि एनि अफिसियेल वेबसाइटआव थानानै अनलाइ रेजिस्ट्रेसन खालामनो हागोन । रेजिस्ट्रेसन खालामनायनि आबुं समफारिलाइया जाबाय 15 डिसेम्बरनिफ्राय अनलाइन रेजिस्ट्रेसन खालामनाया जागायदों, अनलाइन आर'ज बिलाइ होनायनि जोबथा अक्टआ 15 जानुवारीसिम जागोन आरो आर'ज बिलाइनि मासुल होनाया 16 जानुवारीसिम सोलिंगोन ।



# कृष्णा अभिषेकआ बिसि काश्मीरानि बल्ड सावगारिखौ शोयार खालामदों

**गोदान दिल्ली, 16 डिसेम्बर:** बलिउड फावखुंग्रि काश्मीरा शाहआ अराय समनिक्रायनो गावनि बल्ड सावगारिफोरनि जाहोनाव खौराडाव थाबाय थायो। बेराफासँ काश्मीरानि फिसाइ एबा फावखुंगुर कर्मेडियान कृष्णा अभिषेकआबो गावनि बिसिनि हट सावगारिफोरिखौ शोयार खालामनार्यनि मोनसेबो खाबुखौ नागारा। बेनि गेजेराव आरोबाव खनसे कृष्णाया काश्मीरानि मोनसे सावगारिखौ शोयार खालामदों। बे सावगारिआव बिखौ बिकिनी

गान्नापै पुलआव हट पज होनाय नुनो मोन्दों। फावखुंग्रिनि बे सावगारिआ ससेल मिडियाआव दोहौ सोमजिहोदों। फेन्सफोरा सावगारिखौ मोजां मोन्नायजों लोगोसे बेनि सायाव कमेन्ट खालामनानै बाख्नायदोंबो। कृष्णा अभिषेकआ बावैसो समाव गावनि इनस्टाग्राम एकाउन्टजों बिसि काश्मीरानि हट सावगारिखौ शोयार खालामदों। बेखौ इनस्टाग्रामआव शोयार खालामनानै कृष्णाया केप्सनआव लिस्टों-नों आंखौ अराय सम गौरबखौ मोन्दाथि होयो आरो आं मिबथिगौदि नों उनावबो



बेबादि मोन्दाथिहोबाय थागोन। नॉनि बे गिनोरोडै आखुआ नों खौ आलादा-आलादा जायगाफोराव लानानै थांगोन। लाभ इड केश। सावगारिआव काश्मीरा साहनि बल्ड आखुखौ फेन्सफोरा गोबां मोजां मोन्दों। काश्मीरानि बे सावगारिखौ फेन्सफोरा गोबां लाइक आरो शोयार खालामदों। मख'नो गोनांदि, बेनि सिगांबो कृष्णाया काश्मीरा शाहनि आरोबाव मोनसे सावगारिखौ शोयार खालामदोंमोन, जेराव बिखौ गोबां फिट आरो हट नुदोंमोन। सावगारिआव बिखौ गलाब गाबनि ड्रेस गान्नाय नुनो मोन्दोंमोन, जायनि सायाव बियो गोसोम गाबनि गोलाव कट गादों।

## राहुल रायनो स्पीच थैरेपी होनाय जादें

**गोदान दिल्ली, 16 डिसेम्बर:** ब्रेन स्ट्रक जानायनि उनाव देहा फाहामसालियाव थिसन जानाय 52 बोसोरनि फावखुंगुर राहुल रायनो आधिखालाव स्पीच थैरेपी होदों। बिखौ मिरा रडआव थानाय गंसे गावयारि देहा फाहामसालियाव थिसनदों। बेनि सिगां बिखौ नानावटि देहा फाहामसालियाव थिसनदोंमोन, जायनिफ्राय बिखौ 8 डिसेम्बराव डिस्चार्ज



खालामदों। राहुलआ गावनि ससेल मिडिया पस्टआव फोसावदोंदि, गाव देहा फाहामसालिआव थानाया 19 सान जाबाय।


राहुलनि ब्रादार इनल'रमीर सेनआ फोरमायदोंदि, आधिखालाव गावयारि देहा फाहामसालियाव ट्रिटमेन्ट होगासिनो दं आरो बियो आबुडै मोजां जानो थाखाय माखासे सप्ताह नांवावगोन।

मंगलबाराव राहुल रायआ ससेल मिडियाआव गावनि मोनसे सावगारिखौ सेयार खालामदों, जेराव बियो देहा फाहामसालियाव ब्रेकफास्ट खालामनार्य नुनो मोन्दों। बेनि अनगायै बियो देहा फाहामसालियाव चेक इन खालामनार्यनि सावगारिखौबो सेयार खालामदों।

## राखी साबन्तआ उन्दै समाव गोब्राब जेंनाजों सोसिबोनांदोंमोन

**गोदान दिल्ली, 16 डिसेम्बर:** आइटेम गार्ल राखी साबन्तआ आधिखालाव बिग बस 14 नि जाहोनाव खौराडाव थाबाय थारदों। मोनसे इन्टरभिडआव बियो गावनि जेंना गोनां रांखान्थिनि थासारिखौबो मख'दों आरो फोरमायदोंदि, बिग बसआव सहेल खाननि जाहोनाव एन्टी जादें। राखीआ सहेलखौ खामानि मोन्नायाव मदद होदोंमोन जायनि उनाव बियो सलमानजों बाथ्रा सावरायनानै राखीनो स्व'आव एन्ट्रि होदों।

राखीनि मुड सम सम जेंनायाव थाबाय थायो। बियो पाब्लिसिटी मोन्ना थाखाय जायखि-जाया हाबाफारिखौ मावनो थियारिआव थायो। राखीनि थार मुड नीरु भेड़ा। बिनि बिमा जया भेड़ाया सासे कनस्टेबल आनन्द साबन्तजों नैथि जुलि जादें, जायनि उनाव राखीआ नैथि बिफानि टइलेखौ मोन्दों। राखीआ 25 नभेम्बर



1978 आव मुम्बाइयाव जोनोम मोन्दोंमोन। राखीनि उन्दै समा गोबां जेंनाजों बाय'लादों। बे जाहोनिनि थाखायनो बियो 10 बोसोर बैसोआवनो हाबाफारि मावनो जागायदोंमोन। 10 बोसोर बैसोआव राखीआ अनिल आम्बानी आरो टीना आम्बानीनि जुलिआव जाग्रा आदार रान्नानै होनायनि हाबाफारि मावदोंमोन। बे

हाबाफारिनि थाखाय बियो 50 रं मोन्दोंमोन। बेनि उनाव 11 बोसोर बैसोआव राखीआ जेब्ला मोनसे इन्डिया इभेन्टआव बाहागो लानो नागिरदोंमोन अब्ला बिनि बिमाया बिखौ गोबां बुदोंमोन आरो खानायखौ हास'नानै होदोंमोन। राखीआ बेनि उनाव थाखि लादोंदि, गाव पेरेन्टसनि हेंथायै खामानि मावगोन।

## इनफेक्सन गोसारनाया हाबा मावनायनि फारिखान्थिखौ सोलायदों: सारा आलि खान

**गोदान दिल्ली, 16 डिसेम्बर:** फावखुंग्रि सारा आलि खानआ बावैसो समाव आनान्द एल रायनि सावथुन अतरंगी रे'नि सुटिं खौ गोदानै जागायफिनबाय। साराआ बे सावथुनखौ थानाय बोसोराव मुंसाइ होदोंमोन। नाथाय करना भाइरासनि जाहोनाव सावथुननि सुटिं खौ दोन्थ'नो गोनां जादोंमोन। सारानि बायदिव्ला गाव माब्लाबाबो सानाखैमोनदि, इनफेक्सन गोसारनायनि गेजेराव सावथुननि सुटिं खौ खालामगोन। बावैसो समाव साराया मोनसे इन्टरभिडआव कभिडनि गेजेराव सुटिंनि एक्सपिरियेन्सनि सायाव बाथ्रा बुंदों। बे समाव बियो बुंदों गाव बे बाथ्रानि सायाव गनायगोनदि, बे समाव हाबाफारि मावनाया गोबां जेंना गोनां। नाथाय गोबाव सम ब्रेक लानायनि उनाव सेटआव फैफिन्नायजों रेहाय मोन्नायखौ हमदांथिदों। बियो बुंबावदों ससेल डिस्टेन्सिं,



मास्क गान्नाय आरो सेप्टी प्रटकलखौ फालिनायजों हाबाफारि मावनायनि नेम-खान्थिआ सोलायदों। नाथाय हाबाफारिखौ लानानै सिगांनि बायदि नाजानाया दासिमबो दं। थानाय 9 दानसिम न'आव जिरायनानै थानायनि सोमोन्दै बाथ्रा सावरायनानै

साराआ बुंदों बियो साप्रोमबोनि थाखाय जेंना गोनां जादों। नाथाय मोनफ्रोमबो थासारियाव गोबां सोलोनो मोन्दों। बियो फोरमायदोंदि, गाव न'आवनो दंमोन आरो गाव 500 मुवा-बेसादफोरनि मोनसे टु-डु फारि लाइखौ थियारि खालामदोंमोन।

## करियग्राफर गणेश आचार्यआ 92 किल' लेरथायखौ रेजें खालामदों

**गोदान दिल्ली, 16 डिसेम्बर:** बलिउडनि मुंदांखा करियग्राफर गणेश आचार्यआ थानाय माखासे बोसोरफोराव गावनि लेरथायखौ गोबां खम खालामदोंदि, जायखौ नुनानै सुबुंफोरा गोमोगोन आरो बेनि थाखाय गणेशखौ बाख्नाया लासे थानो हानाय नडा। बलिउडनि माखासे सुपार स्टाफोरखौ गावनि इशरायाव फिदिंखानाय गणेशखौ बे वीकेन्डआव दा कपिल शर्मा स्वआव नुनो मोनसिगोन। स्वनि मोनसे भिडियआ आधिखालाव ससेल मिडियाआव भाइरेल जादों जेराव कपिलआ गणेश आचार्यखौ बिनि लेरथायखौ लानानै जंखायदों।



# गाहाम देहानि राहा

## नोंथानि किचेनआवनो माखासे बेमारफोरनि फाहामथाय थायो

**गोदान दिल्ली, 16 डिसेम्बर:**

माखासे जाग्रा मुवा-बेसादफोरा जॉनि जाग्रा आदारनि स्वादखौ बारायहोनायाव मदत खालामनार्यजों लोगोसे जॉनि देहाखौबो गोखोडे लाखियो। बेनि गेजेरजों जों दिने मिथिनाय सोमोन्दै सावरायगोन, जेराव माखासे मुलाम्फा गोनां गुणफोरा थाखोमानानै थायो। आयुर्वेदिकआवबो बेखौ बोसोर बोसोरनिफ्रायनो बाहायबोगासिनो दड। बेयो डायबिटीज, गुफु' देहा, बिखानि बेमार बायदिफोरनि थाखाय जोबोद मुलाम्फा गोनां। बिदिब्ला फे मोन 10 मुलाम्फानि सोमोन्दै मिथिनानै लानि-

1. गाजा बेरनाय मिथियाव आयरनखौ गोबां बिबाडै मोनाय जायो। बेबायदियाव जुदि नोंथाड गाजा बेरनाय मिथिखौ नेम बायदियै बाहायोब्ला, देहायाव आयरननि आंखालआ जानगार जायो।

2. गुसु बोथोरव हेयार फल आरो डेन्ड्राफनि जेंनाया

गुसु बोथोरव गाजर जानायव जेसेबां मोजां मोनो बेनिखुइ बांसिन बेयो देहानि थाखाय मुलाम्फा गोनां। गोजा गाजरनि सोमोन्दैथ'जों बयबो मिथियो, नाथाय गोसोम गाजरनि सोमोन्दै गोबां खम सुबुंफोराल' मिबथियो जानांगौ। गोसोम गाजरबो देहानि थाखाय गोजा गाजर बादिनो मुलाम्फा गोनां।

(1) एन्टिअक्सिडेन्ट गुणजों बुंफबनाय गाजरआ देहानि बुखानायखौ बाडइ खालामो लोगोसे जोंखौ गाहाम देहाबो खालामो।

(2) गाजर गोजोमआव माखासे एरेबादि मिनरेल्स थायो, जाय देहाखौ डिटक्स खालामो।

(3) गाजरआ जर'खायै हिन्जावफोरनि थाखाय जोबोद मुलाम्फा गोनां जायो। बेयाव थानाय गुणआ स्क्रीनआव जॉनाय लाबोयो।

(4) गाजर गोसोमआव फाइबर, पटेशियाम, भिटामिन-ए, भिटामिन-सि, मेंगानीज, भिटामिन-बि बायदि माखासे गुणफोरा थायो।



बारायो। बेबायदियाव गाजा बेरनाय मेथिखौ जायोब्ला डेन्ड्राफनि जेंनाया जानगार जानो हागौ। बेनि थाखाय नोंथाड खानायव फुनो थाखाय मेथिनि फाउडारखौबो बाहायनो हायो। बेयाव एक्विन मुनि गुण थायो, जाय डेन्ड्राफ आरो खानाय गनायनि जेंनाखौ जानगार खालामो।

3. गाजा बेरनाय मेथिखौ जानायजों नोंथाड केन्सारनि खैफोदखौबो बाडइ खालामनो हागौ। बेखौ नेम बायदियै बाहायोब्ला जॉनि देहायावल केन्सार होबथानो हानाय गुणआ जौगाखाडो। उदै खालियाव गाजा बेरनाय

मेथिखौ जानाया जोबोद मुलाम्फा गोनां।

4. गाजा बेरनाय मेथिखौ जानायजों इमिउनिटिआ बारायो, जाय लोमजानाय आरो बेक्टिरियल जेंनाफोरखौ जानगार खालामनार्याव हेफाजाव होयो।

5. गाजा बेरनाय मेथियाव ब्लाडनि साकुलेशनखौ नर्मेल खालामनार्यनि गोहो थायो जायनि जाहोनाव बेयो पिरियडसनि जेंनाखौ कन्ट्रल खालामो। पिरियडसनि समाव जाग्रा लोरबां देहा, उदैयाव सनाय, हरखाबै गमम मोन्नाय बायदि जेंनाफोरा मेथि जानायजों जानगार जायो।

(5) बेयो मेगननि सोरांखौ बारायहोनायजों लोगोसे कलेस्ट्रलखौबो कन्ट्रलआव लाखियो।

(6) गुसु बोथोरव बिखानि बेरमनि खैफोदखौ बारायहोयो। बेनिखायनो डाइटआव गाजर गोसोमखौ लाफयोब्ला मोजां। बेयाव मोनग्रा एन्थसायनिनआ नोंथानि बिखाखौ गाहामे लाखियो।

(7) गाजर गोसोमआव थानाय फाइबरआ नोंथानि दोगोन तन्त्रखौ गोखोडे लाखियो। खि गोरा खिनायनि जेंनाजों भुगिनांनय नडा।

(8) फाइबरजों बुंफबनाय गाजर गोसोमखौ जायोब्ला

सर्दी में आपकी सेहत का रखाव रखेगी काली गाजर



नोंथानि उदैया बुनानै थागोन आरो उखैनाया बाडइ जागोन। जेब्ला नोंथानि उखैनाया कन्ट्रलआव थागोन अब्ला नोंथानि लिस्थायाबो कन्ट्रलाव थागोन।

(9) गाजर गोसोमआ ब्लाड सुगारखौ कन्ट्रल खालामो। जर'खाफोरनि बादिब्ला, गाजर गोसोमनि जुस लॉनायजों हाइ ब्लाड प्रेसार, हाइ ब्लाड सुगारनि जेंनाया जानगार जालाडो।

(10) गाजर गोसोमआव मोनग्रा डान्टी अक्सिडेन्टआ केन्सार बायदि गखं थाव बेरमजों जुजिनायावबो मदद खालामो।







## प्लड मेवेदर, लाइला आलीखौ बक्सिन हल अफ फेमनि थाखाय सायख'दों

**लन्डन, 16 डिसेम्बर:** अमेरिकानि गोहो गोर बक्सर प्लड मेवेदरआ गावनि गोखौ गोहो-बोलोनि नाजानायाव मोन 11 वर्ल्ड टाइटलखौ देरहानो हानानै मुलुगनि गेजेरावो जाफुंसाराय बक्सर जानो हादों। मिबथिनाय बादिब्ला, गावनि गेलेनायखौ जेन्ने रोडेबादि सोलिहोबोबाय थानायनि गेजेरावो मेवेदरआ बक्सिं गेलेनायखौ आजि लायो। मुलुगनि गेजेरावो गेलेनायनि गेजेरजों मुं आर्जिनो हानाय प्लड मेवेदरजों लोगोसे लाइला आलीखौ



बक्सिन हल अफ फेमनि थाखाय सायख'नाय जादों। बारा' अलिम्पिक सेम्पियन एन्डे वार्ड, एन वल्फ, मारियान त्रिमियार आरो ऊ मागारि टगमेनि मुंखौबो बक्सिन हल अफ फेमनि थाखाय सायख'नाय जादों। मुलुगनां बक्सिं राइस एस 'सिएसन आरो मोनसे सायख' आफादआ बिसोर गेदेमा गेलेगिरिफोरखौ मान होनाहै हल अफ फेमनि थाखाय सायख'नाय जायो। बेबादिनो गेलेनायनि गेजेरजों गोबां मुं आर्जिनो हानाय आरो लाइमोन गेलेगिरिफोरखौ थुलुगाखां होनो हानाय गेदेमा गेलेगिरिफोरखौ हल अफ फेमनाव सायख'नाय जायो। जायनि थाखाय बक्सिनफ्राय गेदेमा बक्सर प्लड मेवेदरजों लोगोसे गोहो गोर आइजो बक्सर लाइला आलीनि मुंखौबो बे माननि फारिलाइयाव सायख'नाय जायो। 1977 माइथायव जोनोमो मोन्याय मेवेदरआ दासिम मोनथाम नेसनेल गल्डेन ग्लभस टाइटल आरो मोनसे ब्रन्जनि मेडलखौ 1996 नि अलिम्पिक गेम्सआव देरहानो हादोंमोन।

## 7 थि सिजन आइएसएलनि मेचखौ हलिचरण नाजार्जिनि गल होनाय हेफाजाबजों हाइद्राबाद एफसिआ देरहादों

**हाइद्राबाद, 16 डिसेम्बर:** हादरनि गवा राइज्योआव दासान्दि सोलिबाय थानाय 7 थि सिजन इन्डियन सुपार लीग सुंद थै आइएसएलनि थानाय हनि समाव गेलेनाय मेचखौ हाइद्राबाद एफसिआ गोबां देरहानो हादों। बे गेलेनाय मेचखौ गोखौ गेलेगिरि हलिचरण नाजार्जिनि गल होनाय हेफाजाबजों 3-2 गलनि फारागथियाव हाइद्राबाद एफसिआ इस्ट बेंगल हान्जाखौ फेजेन्ने हायो। बे सोलिफु आइएसएलआव इस्ट बेंगल हान्जाया थानाय समनि गेलेबोनाय मोन 5 मेचनि गेजेराव मोनब्रे मेचखौ जेन्ने गोनां जादोंमोन। फार्सेथिं हाइद्राबाद एफसि हान्जाया बे सिजननि गेलेनायाव नैथि खेव मेचखौ देरहानो हानायजों गासै 9 पइन्टखौ आवग्रिनानै फारिलाइयाव बाथि जायगा लानो हायो। इस्ट बेंगल हान्जाया बे गेलेनाय मेचखौ देरहानो



थांखिजों सिगानिफ्रायनो गोबां जुजिनानै गेलेनायाव गेलेगिरि जेक्सनआ खाबु मोन्यायव गलखौ जोसन्ने हानायजों हाइद्राबादनि हेथायै 1-0 गलजों आवगायनो हायो। बेनि उनाव हाइद्राबाद हान्जाया गोखौ गेलेफिनानै फेनाल्टिनि खाबुखौ नुनो मोन्दोंब्लाबो नाथाय केपेन सातानाया बे गलखौ फेलें खालामो। नैथि हाफनि गेलेनायाव फिन 54 मिनटआव गल होनो खाबु मोन्यायखौ फेलें

खालामबावनायनि उनाव 56 मिनटआव केपेन सातानाया गिबि गलखौ होनो हानानै समान-समान जायो। बेनि उनावो गुबुन मोनसे गलखौ के प्तेन सातानाया होनो हाबावनायजों 2-1 गलआव आवग्रिनो हायो। गेलेनाया आरोबाव गोखौसिन जानायजों 68 मिनटआव गेलेगिरि हलिचरण नाजार्जिआ थामथि गलखौ जोसन्ने हानानै हान्जाया 3-1 गलजों आवगायनो हायो।

गेलेनाया देरहानायनि फार्से हाइद्राबादनि दखलआव थांबाय थानायनि गेजेरावो इस्ट बेंगल हान्जाया 81 मिनटआव नैथि गलखौ होनो हादोब्लाबो बे मेचखौ गलसेनि फारागथियाव जेन्ने गोनां जायो आरो हाइद्राबादआ देरहानायाव आवगायनो हायो। फार्सेथिं बे मेचआव गल होनो हानानै हलिचरण नाजार्जिआ गावनि गेलेनायनि सायाव गोजोन्नाय फोरमायो।

## ला लीगानि मेचखौ रियेल माद्रिदआ 3-1 गलआव बिलभाव क्लाबनि हेथायै देरहादों

**माद्रिद, 16 डिसेम्बर:** स्पेन हादरनि गुबुन गुबुन क्लाबफोरनि गेजेराव थानाय नबेम्बर दाननिफ्राय सोलिबोनाय बे सिजननि ला लीगा मेच गेलेनाया हान्जाफोरनि गेजेराव गोखौ गेलेनायखौ नुनो मोन्दों। बेनि गेजेरावो थानाय हरनि समाव गेलेनाय गुबुन मोनसे ला लीगानि मेचखौ मुलुगनि गोखौ क्लाब रियेल माद्रिदआ 3-1 गलनि फारागथियाव देरहानो हायो। गेलेनायनि सिगां समनिफ्रायनो मोननैबो हान्जानि गेजेराव गोखौ गेलेनाया जागायजेन्नायनि



गिबि समाव गल होनो हानायजों रियेल माद्रिदआ सिगां गलखौ आवगायनानै गेलेनो हादोंमोन। बे मेचआव रियेल माद्रिदनि मिजिंथिजानाय गेलेगिरि करिम बेन्जामाया हार्सिडे मोननै गलखौ होनो हानायजों हान्जाया 3-1 गलआव एथेलेटिक बिलभाव क्लाबखौ फेजेन्ने हायो। हान्जानि देरहानायाव गोनांथार बिहोमा होनो हानाय करिम बेन्जामाया सोलिफु सिजननि गुबुन गुबुन

फुटबल बादायलायनायफोराव गावनि गेलेनायखौ गोखौडे दिन्थिनो हानायजों हान्जानि मेच देरहाहोग्रा महरैबो मिजिंथिजादों। मिबथिनाय बादिब्ला, गेलेनाय समाव बिलभाव क्लाबनि गुबुन सासे गेलेगिरिआ गाजि गेलेनायाव रेफारिआ रेडकार्ट दिन्थिनानै गेलेगिरिखौ गेलेग्रा फोथारनिफ्राय दिहुन्नायाव हान्जाया सा 10 गेलेगिरिजोंनो उननि समखौ गेलेनो गोनां जायो। सा 10 गेलेगिरिजों

बिलभाव क्लाबनि गेलेनाया लोखां जानानै रियेल माद्रिदआ फारियै गल होनो खाबु मोनो। बे सिजननि ला-लीगायाव बेन्जामाया दासिम माद्रिदनि जानानै मोन 10 गलखौ होनो हानायव जाफुंसारदों। हान्जानि कच जिडानआ बेन्जामानि गेलेनायखौ बे समाव गोखौसिन जादों होन्नानै फोरमायो आरो हान्जाया बेबादि गेलेगिरिखौ अराय सम हास्थायो

गेलेनायखौ बे समाव गोखौसिन जादों होन्नानै फोरमायो आरो हान्जाया बेबादि गेलेगिरिखौ अराय सम हास्थायो

सिजननि गेलेनायाव एसे लोरखां जानायखौ नुनो मोन्नायजों दासिम थामथि सारिआवसो जायगा लानादों।

## टेस्ट सिरिजआव जसप्रीट भुमराहआ भारतनि थाखाय गोनांथार बलारः एलेन बर्डर

**सिडनी, 16 डिसेम्बर:** अस्ट्रेलिया क्रिकेट नि जासिमिनआव गुबुन सासे गेदेमा गेलेगिरि महरै मिबथिसार जानाय बारा' केपेन एलेन बर्डरआ भारतनि सैथि बलार जसप्रीट भुमराहनि गेलेनाय गोखौथिखौ नुनानै बाखायदों। भुमराहनि बे समाव गोखौ गेलेनो हानायखौ नोजोर होनानै अस्ट्रेलियानि गेदेमा क्रिकेटार एलेन बर्डरआ फोथायोदि, फँगौ भारत आरो अस्ट्रेलिया क्रिकेट हान्जानि गेजेराव गेलेनो गोनां टेस्ट सिरिजनि थाखाय जसप्रीट भुमराहआ जोबोद गोनांथार गेलेगिरि। बर्डरआ बुडेदि, भुमराहआ उडकेट लानो हानायनि गोहो दडआरो मेचखौ सोलायहोनो हानायनि बेनाव रेंगथि दड होन्नानै बुंथियो। मख'नो गोनांदि, भारत आरो अस्ट्रेलिया क्रिकेट हान्जानि गेजेराव फँगौ समनिफ्राय मोनब्रे टेस्ट मेचनि क्रिकेट सिरिजखौ गेलेनो साखा-फारा जाबाय। बे सिरिजनि थाखायनो भारतविन हान्जायाव गोखौ बलार जसप्रीट भुमराहखौ लाफानाय जादों। रायखानो गोनांदि, अस्ट्रेलिया हादरआव थानाय 2018-19 माइथायनि गेजेराव गेलेनाय मोनब्रे टेस्ट सिरिजनि मेचआव जसप्रीट भुमराहआ गासै मोन 21 उडकेटखौ लानो



हानानै भारतनि हान्जायाव गोनांथार बिफाव लानो हादों। जायनि थाखाय भुमराहनि जागोन होन्नानैबो एलेन

खुबैनाय बलआ साफ्रोमबो बेटसमेनफोरनि थाखाय गोबाब जागोन होन्नानैबो एलेन

बर्डरआ मिजिंथिदों। जसप्रीट भुमराहआ टी-20 क्रिकेटनि एरैबादि गेलेगिरि जानानै दडदि, जायखि जाया मेचआवनो उडकेट लानो हानाय मुलुगनि गुबुन सासे गोखौ बलार जानानै दड। भारतनि बिनि गेजेरजों थानाय समफोराव गोबां गोबाब मेचफोरखौ देरहानो हानायव जाफुंसारबोदों। बेबादिनो फँगौ समनि टेस्ट क्रिकेटआन भुमराहनि गेलेनायखौ गोखौ जागोननि मिजिंथि लाखिदों एलेन बर्डरआ।

## कभिडनि प्रटकलखौ मानिनानै रेस्टलिं सेम्पियनसिपखौ खुंनो लाहार-फाहार जादों

**गोदान दिल्ली, 16 डिसेम्बर:** भारतनि रेस्टलिं फेडरेशननि आफादगिरि चरण सिंआ बुडेदि, कभिड-19 नि प्रटकलखौ मानिनानै आरो गेलेगिरिफोरनि जिउ रैखाथिखौ नोजोर होनानै फँगौ जानुवारी दाननिफ्राय नेसनेल सेम्पियनसिपखौ खुंनय जागोन। फेडरेशननि आफादगिरि सिंआ बुडेदि, फँगौ बोसोरनि जानुवारी आरो फेब्रुवारी दानआव मोनथाम सप्ताहसिम हादरनि मोनथाम सहरआव नेसनेल रेस्टलिं सेम्पियनसिपखौ खुंनय जागोन। रेस्टलिं फेडरेशनआ



गोजौ मख'नाय दाननिफ्राय खुंनो फोसावनाय जादोंब्लाबो नाथाय दासिम अक्टखौ फोसावनाय जायाखै। बे बादायाव बाहागो लागोन साफ्रोमबो गेलेगिरिफोर आरटि-पिसिआर कभिड टेस्ट खालामनाया गोनांथार जागोन। साफ्रोमबो बिबानगिरिफोरनो बे सेम्पियनसिपआव बाहागो लानायनि सिगां कभिड टेस्टखौ खालामनाया गोनांथार जागोन। हादरनि नड्डा, पान्जाब आरो आग्रा बे मोनथाम सहरआव सेम्पियनसिपखौ खुंनय जागोन। लोगोसे भारतनि अनगायैबो आमेरिका, चीन, किउबा, जापान आरो काजाकिस्ताननि गेलेगिरिफोरबो भारतआव खुंनय सेम्पियनसिपआव बाहागो लानो हागौ। भारतजों लोगोसे बेफोर

गोजौआव मख'नाय हादरफोरबो फँगौ समनिफ्राय रेस्टलिं सेम्पियनसिपखौ खुंनयनि थांखि लादों। भारतनि मिजिंथिजानाय गेलेगिरिफोर भिनेश पागत, दिव्या काक्रान, बजर पुनिया आरो जितेन्द्र सिंमोनहा बे सेम्पियनसिपआव बाहागो लागोन होन्नानै मिबथि होदों। गोलाव दाननि उनाव भारतनि मोनथाम सहरआव नेसनेल रेस्टलिं सेम्पियनसिपखौ खुंनो थाखाय भारतनि रेस्टलिं फेडरेशनआ बे समाव थांखि लानायजों लोगोसे साखा-फारा जादों। फँगौ बोसोराव खुंजानो गोनां अलिम्पिक गेम्सनि थाखाय बे सेम्पियनसिपआ साफ्रोमबो गेलेगिरिफोरनि गोनांथार बादायलायनाय जागोन होन्नानै फेडरेशनआ फोसावदों।

## आइसिसि टेस्ट रेंकिंगआव भारतनि भिराट कहलीआ नैथि सारिआव दावखोदों

**गोदान दिल्ली, 16 डिसेम्बर:** क्रिकेट गेलेमुनि देरसिन आफाद इन्टरनेसनेल क्रिकेट काउन्सिलआ मंगलबारखालि बोसोरनि जोबथा टेस्ट क्रिकेटआव गेलेनाय बेटसमेनफोरखौ रेंकिंगआव सोलाय-सोल' खालामदों। आइसिसिनि बिबानगिरि सुलुनि बादिब्ला, भारतनि क्रिकेट हान्जानि केपेन भिराट कहलीआ निउजिलेण्डनि केन उडलियामसननि सिगां सारिआव जायगा लानो हादों। मिबथिनाय बादिब्ला, भिराट कहलीजों लोगोसे भारतनि आर्जिन्य रहनेआबो टेस्ट क्रिकेटनि टप-10 फारिलाइयाव जायगा लानो हादों। रहानेआ गासै 726 पइन्टजों 10 थि सारिआव जायगा लानो हायो। बलारनि रेंकिंगआवबो भारतनि सैथि बलार जसप्रीट भुमराया 8 थि आरो 10 थि सारिआव जायगा लानो हायो।

गुबुन फार्सेथिं रेंकिनि सैथि जायगाखौ अस्ट्रेलियानि बारा' केपेन स्टिभसिथआ आवग्रिनो हादों। सिमथआ गासै 911 पइन्टजों बरयनिखुडबो सिगां सारिआव थानो हायो। भारतनि



भिराट कहलीआ गासै 886 पइन्टजों नैथि सारिआव आरो केन उडलियामसनआ गासै 877 पइन्टजों थामथि सारिआव जायगा लानो हायो। बेजों लोगोसे अस्ट्रेलियानि गेलेगिरि मर्नासआबो ब्रैथि आरो पाकिस्ताननि केपेन बाबर आजामआ बाथि सारिआव थायो।

भारतनि सेतेस्वर पुजाया 7 थि सारिआव जायगा लानो हाबावदों। गुबुन फार्सेथिं बलारफोरनि फारिलाइयाव अस्ट्रेलियानि पेड कमिन्सआ गासै 904 पइन्टजों सैथियाव थायो। बेनि उनाव इलेण्डनि स्टुआर्ट ब्रडआ नैथि आरो निउजिलेण्डनि नीलआ थामथि जायगाखौ आवग्रिनो हादों। भारतनिफ्राय जसप्रीट भुमराहआ गासै 779 पइन्टजों दाइनिथि आरो आर आस्विनआ 756 पइन्टजों जिथि सारिआव जायगा लायो। बेबादिनो बोसोरनि जोबथा दानआव गेलेगिरिफोरनि टेस्ट क्रिकेटआव गोखौ गेलेनो हानायखौ नोजोर होनानै गेलेगिरिफोरखौ फारिलाइयाव सोलाय-सोल' खालामदों आइसिसिआ।